



第捌函 第三本

鍾克江錄
吳蘭江校

天下郡國利病書

卷一百八十七

計九十四頁內畫三頁

天下郡國利病書卷一百七

雲南

形勢

雲南雖稱荒服而綢繆防禦不可不周者以滇黔與楚
蜀輔車唇齒之勢也說者謂雲南山川形勢東以曲靖
為關以霑益為蔽南以元江為關以車里為蔽西以永
昌為關以麓川為蔽北以鶴慶為關以鹿江為蔽又云
雲南要害之處有三東南八百老搃交趾諸蠻以元江
臨江為鎖鑰西南緬甸諸蠻以騰越永昌順寧為咽喉
西北吐蕃以鹿江永寧北勝為扼塞識此三要可以籌

雲南矣元史言雲南之地東至普安路之橫山其西至
緬地之江頭城凡三千九百里南至臨安之鹿滄江北
至羅羅斯之大渡河凡四千里其迤東西二十郡大抵
以滇池而分南北所畫為界者則在兩江西北為金沙
西南為瀾滄先儒以為即禹貢梁州之黑水也司馬遷
史記稱滇池旁地腴饒巴蜀民或竊出商賈取其笮馬
犍僮犍牛以此巴蜀殷富而范蔚宗後漢書亦稱滇地
河土平敞有鹽池田漁之饒金銀畜產之富人俗豪怵
居官者皆富及累世由是觀之滇固非瘠土也唐天寶
以後蒙氏以一隅之力累抗王師此即財力富雄之一

驗今山川形勢與古不殊休息勞來墾田積粟使其民
成饒裕之俗自在良有司矣

沿革論

粵稽五典已見三苗及乎夏后殷周而降或稱萬國來朝而南方乃有百國是為百濮鄩闡國滇也昆瀾國大理也句町國臨安也牂牁國烏蒙也其他九十餘多不可攷汲冢書獻令曰西南產里百濮以象齒短狗為獻產里即今車里周公作指南車以導之歸者是也春秋時叔熊逃難于濮而蠻楚蚡冒始啟濮戰國仍屬楚襄王使將軍莊躡畧巴黔以西以兵威定之會秦擊楚道塞歸報不能得因以其衆王滇變服從其俗長之滇有楚俗之始也秦使常畧五尺道置吏漢元狩間彩雲見

南中遣使跡之雲南之名此始滇王當羗對漢使語多
遜武帝惡之時白崖有天空白飯王之後名仁果者稱
白王為衆所戴天子冊為滇王仍治白崖躋世乃絕白
人之名此始元封中司馬相如入西夷土人盛覽從相
如學歸授鄉人滇之文教此始是年郭昌衛廣平其未
服滇王降請置吏入朝以為益州郡賜玉印益州之名
此始建武中牂榆諸羗叛劉尚連破之元和中滇池有
神馬甘露白鳥之祥乃建學立師滇有學校此始蜀漢
建興改益州郡為建寧又分建寧置雲南郡即今雲南
縣地雍闓附吳孟獲誘煽諸夷武侯斬雍闓服孟獲四

郡皆平乃收用豪傑時仁果十五世孫龍祐那者能撫
其民號大白子國侯仍以其地封之晉宋齊梁陳隋皆
以守令治其人酋長世其官唐貞觀冊建寧白國長張
樂進求時哀牢夷納農邏耕於蒙之巍山有祥異所居
成聚樂進求惧遜國農邏為奇王自是蒙族分立為六
詔六詔之名此始唐置姚州南詔賂王昱合六詔為一
冊為雲南王南詔之名此始天寶之間南詔殺張虔陀
取夷州鮮于仲通擊之敗績南詔北結吐蕃以自固復
為吐蕃所苦請內附仍封之以韋臯為安撫使臯以南
詔兵破吐蕃取鉄橋十六城俘其五王南詔獻地圖土

天... 卷一... 四
貢賜金印吐蕃不復為雲南患此始宋王全斌既平屬
以圖獻太祖以玉斧畫大渡以西曰此外非吾有雲南
幾為絕域元世祖由麗江入大理定鄯闡為中慶路前
明置雲南布政使司聲教之盛此始上下數千載興衰
之跡有如傳舍大亂不及則治不生孟子辭楊墨而闢
之曰一治一亂然中國之治亂也由堯舜至於戰國中
間聖聖賢賢猶迭興未乏絕而滇之治亂則由戰國至
於今也天將使此土化部婁為高陵化荆棘為松柏化
鷄犬為鶴鹿化濁惡為清涼非有聖人不能故挈而昇
之至是正朔始有定奉歷年二百六十以來如一日雖

有小警旋為大定盛矣

晉沿革
漢置益州郡領縣滇池雙栢連然俞元穀昌昆澤葉榆
律高不韋雲南雋唐賁古勝休來雅等共二十四屬

越雋郡縣遂久蜻蛉共二屬牂牁郡縣苴蘭等共四
東漢仍為益州領縣勝休律高昆澤建翎等共十七永
昌郡領縣哀牢博南等共八
蜀漢改置郡建寧雲南興古共三

晉置寧州領郡雲南興古建寧永昌共四屬縣雲平鐸
封漢興新定談豪興雲冷丘永壽雍鄉南涪等共四十
五太康以後改置郡益州晉寧平夷共三

宋仍為寧州領郡建寧晉寧絳州西河東河陽雲南
興寧興古梁水等共十縣同樂談豪萬安新定新興萬
壽晉樂丹南成昌建安雲南平西安句町南興梁水西
隨新封鐸封等共五十二
南齊為寧州鎮領郡建平梁水建寧晉寧興寧西阿平
樂永昌等共十有四屬縣同樂新定晉樂綏寧丹南梁
水西隨驃封永豐綏雲遂安臨江雙相雲平都陽晉綏
新城成昌西中南興新豐益寧安寧永安雍鄉西城等
共七十二

晉宋齊寧州所領郡邑皆不止此今止錄在今境內

者

唐置雲南郡領縣姚城瀘南長明共三

元置雲南諸路行中書省為路中慶威楚武定鶴慶雲
遠麗江孟傑普安澂江普定建昌德昌會川廣西元江
大理柔遠茫市鎮康鎮西平緬麓川木邦孟定蒙兀等
共三十七府仁德柏興共二 屬府北勝永昌騰衝共
三 州嵩盟開南威遠順菴藻永寧通安蘭巨津羅雄
建安瀘禮里濶邛部隆姜昌德威龍普濟武安黎溪會
理麻龍等共五十四 縣楊林邵甸威楚南甸易龍石
舊臨西芳華通泉交水石梁羅山普合研和邑市為美

歸厚中瀘沾閩蓋金等共四十七

明改置布政司領府十二雲南大理臨安楚雄澂江蒙

化廣西景東廣南順寧永寧鎮沅軍民府八永昌曲靖

鶴慶姚安尋甸武定元江麗江武定今去州三北勝雲

州今改屬新化臨安府長官司一者樂甸其羈縻

府二宣慰司六宣撫司三州四長官司二

交易用貝一枚曰莊四莊曰手四手曰苗五苗曰索按

許氏說文曰古者貨貝而寶龜至周而有泉至秦乃廢

貝行泉漢書曰王莽時大貝四寸八分以上二枚為一

朋直二百十六北貝三寸六分以上一朋直五十公貝

一寸四分以上一朋直三十小貝寸二分以上一朋直

十不盈寸二分不得為朋每枚直錢三是為貨貝由是

觀之漢時錢貝並行秦亦不能盡廢之也貨殖傳貝五

種大貝北貝公貝小貝不成貝不成貝者不用惟大貝

直錢多餘三種皆今所用也然則漢末天下尚用之今

所用者小貝之尤細者晉郭璞貝贊云先民有作龜貝

為貨貴以文采賈以大小簡易則資犯而不過蓋用錢
則有揀選用貝則枚數而已五尺童子遠市而人不欺
者其以此耶故曰簡易則資也秦滅六國惟楚公子莊
蹻王滇故楚獨存秦雖使常顛於滇中畧五尺道然未
嘗屬秦故貨貝之在南中獨不變者豈秦法未嘗入滇
耶於此亦可以考世矣嘉靖乙未滇人掘玉案山得大
黃布刀製如罄折衡重三錢考之泉志蓋王莽時鑄也
然則漢世之泉固嘗行於滇矣然泉不若貝之簡易不
欺故泉不永而貝至今以為貨
滇之產或鑿窟於山縱斧於石或涸水而入龍蛇之幽
宮或跣足而走嵐瘴之鄉邑冒虎狼之險貿而得之皆
長物也滇人無所用之五方良賈賤入而貴出利之歸
本土者十不一焉銅以供天下貿易近為圜法之府而
本地又自以兼金易紫貝其價日益月增欲滇人無貧
不可得也又其半則四方行脚方士釋子募緣者取給
焉曰宇內一切真人一切出世佛皆由滇出欲滇人無
好佛好玄不可得也

升菴集

東坡詩紀所經溫泉天下七處以驪山為最予在南中
所見又不止七處也寧州白崖曲江德勝闕浪穹宜良
鄧川三泊江川羅次所在有之不止數十處而安寧為
最凡溫泉所在下必有硫黃其水猶有其味獨安寧清
澈見底垢自浮去不積且無硫黃氣不知何理也舊有
人見其竅出丹砂數粒乃知其下有丹砂傳聞徽州黃
山溫泉亦類此後周王褒溫泉銘云白磬上徹丹砂下
沉華清駐老飛流瑩心乃知溫泉所在必白磬丹砂硫
黃三物為之根乃蒸為暖流耳

古者女子出門必擁蔽其面後世宮人騎馬多着罽羅
全身障之猶是古意又首有圍帽謂之席帽垂絲網之
飾以珠翠至煬帝去席帽戴皂羅巾幘而以席帽油御
雨云唐永徽中皆用帷帽施裙到頸漸為淺露開元初
宮人着胡帽靚粧露面古制盡失今山西蒲州婦人出
以錦帕覆面至老不去雲南省城亦然大理婦女戴次
上大帽亦古意之遺也

隋書志云江南之地多蠱以五月五日聚百種虫大者
至蛇小者至蟲合置器中令自相啖因食入人腹內食
其五臟死則其產移蠱主之家若盈月不殺人則畜者

自踵其害累世相傳不絕自侯景之亂殺戮殆盡蠱家
多絕既無主人故飛遊道路之中則殞焉今此俗移於
滇中每遇亥夜則虫飛出飲水其光如星鮑照詩所謂
吹蠱痛行暉也予親見之 蠱毒在上則服升麻吐之
在腹則服鬱金下之或合升麻鬱金服之不吐則下宋
李巽巖侍郎燾為雷州推官鞠獄得此方活人甚多見
范石湖集

丘文莊公曰自漢南越入中國始有南海然西海竟不
知所在今祀東海於登州祀南海於廣州皆臨海而祭
西海則望祀於蒲州北海則望祀於懷慶蓋因宋都汴

而懷慶在其北是時失幽燕無因至遼薊之間而北望
以祭之可也 國朝都燕而乃往南以祭北海可乎古
謂青州為北海郡今京師東北乃古碣石滄海之處於
此立祠為宜滇之極西百夷之外聞有大海通西南島
夷即西海也宜於雲南城望祀之慎按王莽立西海郡
於西寧之地亦妄也今滇西百夷之外有大海在今阿
瓦地沐璘為都督曾至其處有詩云蛇首樓船十丈長
船頭鏡鼓樂笙簧篙師百櫓齊搖去阿瓦城邊水似湯
即西海無疑矣又按王充論衡云漢得西王母石室因
立西海郡而漢書不載其事今其地沒於匈奴矣柳子

厚鏡歌題云李靖滅吐谷渾西海上

鎮守

沐英直隸定遠人以西平侯克平雲南詔留鎮守洪

武二十五年卒追封黔寧王謚昭靖子春襲春英長

子襲西平侯繼鎮洪武三十一年卒謚惠襄無嗣弟晟

襲晟英次子襲西平侯繼鎮以征安南功加陞黔國

公正統四年征麓川班師卒追封定遠王謚忠敬子斌

襲斌晟長子初名儼上賜名斌襲黔國公繼鎮景

泰元年卒謚榮康子琮襲琮斌子襲黔國公成化元

年繼鎮加太子太傅佩征南將軍印弘治九年卒謚武

僖侄孫崑襲崑恭將誠長子以武僖公無嗣襲黔國

公弘治九年繼鎮加太子太傅卒贈太師謚莊襄子紹
勳襲紹勳崑長子襲黔國公正德十六年繼鎮加太
子太傅卒贈太師謚敏靖子朝輔襲朝輔紹勳長子
襲黔國公嘉靖十六年繼鎮加太子太保卒贈太保謚
恭僖弟朝弼襲朝弼紹勳次子以恭僖公二子融翠
俱優給病故由弟襲黔國公嘉靖二十六年繼鎮被逮
卒子昌祚襲昌祚朝弼子襲黔國公隆慶元年繼鎮
萬曆二十四年以病乞休子叡以都督掛印代鎮叡卒
仍以原官起用屢進少傅兼太子太傅卒孫啟元襲
叡昌祚子萬曆二十四年以父昌祚乞休授都督僉事
繼鎮陞都督同知右都督被逮卒 啟元叡子襲黔國
公天啟五年繼鎮

穀山筆塵

高皇帝衆建藩國封二十四王且半天下惟吳越不以封以其膏腴閩廣滇楚不以封以其險遠慮至深也然事有便利不可不變通者即如雲南一省上古所不臣自入版圖即以西平世守黔寧之烈民吏畏服二百餘年來聲教浹暨可謂便矣然沐氏盤據既久人心頗附漸有跋扈之志如朝弼凶殘不道自干法紀朝廷索二婦人至二十年而不得非今上英明縛而付之法吏不幾唐之中葉哉夫沐氏強則尾大不掉朝廷之法不伸沐氏衰則屏翰不固朝廷之威不振皆非長計也莫

如遣一親王開府其地將鎮守之兵改為護衛使得統
兵御史與中國初諸王等黔國以下悉聽節制內可以
裁沐氏不共之心下可以堅滇人向化之志即使焚滇
之路聲教有梗雲南猶國家有也假如交趾未棄時建
一藩國使得握兵御史毋與內諸侯同其人以為有王
不復生心而交南長為國家有矣孰與捐之夷狄乎故
元混一華夏六詔西域皆王其子弟厥後元帝北遁梁
王保有雲南蜀夏既平乃入王化其在西方者亦竟不
得剪除則封以為王哈密是也此非其已效耶或曰王
而握兵不有江右之慮耶此不達地勢者也寧濠據江

漢之上游謂之建瓴而下滇南處一隅之絕徼謂之仰
面而攻安有仰面而攻可以攻勝者耶且夫萬里遐荒
之徼而欲與中國爭衡則公孫不國於白帝尉陀不帝
於南海乎或曰矣荒遐裔之區以王親子弟不幾於窳
耶此又不然夫閩廣滇貴皆膏腴樂土百物所生而齊
魯燕趙之地有不及也其視山陝邊郡苦樂又相懸絕
試取山陝邊郡一府宗室頗少者遷之滇南有不樂就
者耶嗟夫天下無事而為迂恢之談人必笑以為狂且
言于時禁動慮後患誰肯倡不急之議以駭眾聽姑記
之以備一策耳

洪武初段寶遣段貞奉表歸款 五年遣翰林待詔王
禕八年遣中書省叅知政事吳雲先後招諭雲南不下
死之 詔謚禕忠文雲忠節建祠春秋並祀 十四年
命穎川侯傅友德為征南將軍永昌侯藍玉西平侯宋
英為副將軍帥師征雲南平之 十五年改行省為滇
南等處承宣布政使司領諸府州縣司置都指揮使司
領諸衛所置提刑按察司分巡安普臨元金滄洱海四
道兼察諸府州縣司衛所 十六年以雲南所屬烏撒
烏蒙芒郡三府隸四川布政司 征南將軍傅友德等
送故元雲南右丞觀音保叅政車里不克及酋長段世

等至京師各賜衣服命觀音保為金齒指揮使賜名李
觀以段寶二孫為武昌衛雁門衛鎮撫賜名歸仁歸義
命長興侯耿炳文詔諭穎川侯傅友德等班師留西
平侯沐英鎮守雲南 十七年論平雲南功進封傅友
德穎國公永昌侯藍玉西平侯沐英等 予誥券世襲
餘各陞賞 十九年雲南左布政司張統奏請中益商
人照舊納米穀于金齒詔從之 二月命傅友德耿炳
文再征雲南貴州諸蠻平之 二十一年麓川百夷思
倫發反西平侯沐英遣都督馮誠督兵禦之賊大敗尋
遣人訴奏諉罪其下詔通政司經歷楊大用齎勅往諭

宥之六月東川諸蠻叛命穎國公傅友德為征南將軍
西平侯沐英普定侯陳桓為左右副將軍帥師討平之
六月越州土酋阿資叛命友德英等討之築堡平夷
阿資遁奔普安土官普旦與資俱降 二十二年僉都
御史黃政從征雲南還次普安遇寇及其子琬皆死之
二十三年置景東蒙化二衛 二十四年阿資復叛
平羌將軍何福率兵討之阿資降 二十五年六月丁
卯西平侯沐英卒十月進封黔寧王謚昭靜子春襲爵
鎮守雲南 二十八年阿資復叛沐春討誅之 三十
年平緬蠻刁幹孟叛逐宣慰使思倫發發至京具訴詔

遣沐春何福徐海率兵討之擒刁幹孟正法令思倫發
仍長平緬

永樂元年車里宣慰司刁暹荅入寇擄威遠州知州西
平侯沐晟請討之 上命先行撫諭暹荅悔歸州官
及入貢方物謝罪釋之 三年二月寧遠州土官刁吉
罕奏安南侵奪猛慢等七寨命禮部遣使諭之四月勅
西平侯沐晟伐安南 雲南西南諸夷大小古刺等部
落入朝進貢 詔置宣慰使二長官司五統之 六年
平安南降其郡四十有八封沐晟黔國公世襲
宣德七年八百大甸土官刁之雅入貢請封波勒不許

九年勅都督沐昂贊輔黔國以馭蠻夷

正統二年馬龍他郎甸蠻為梗都督沐昂討平之十月
麓川夷思任發叛侵掠騰衝南甸 四年遣刑部主事
楊寧往諭思任發不聽閏二月命黔國公沐晟率都督
沐昂方政討麓川次潞江方政戰死之沐晟帥師還至
楚雄卒 詔追封沐晟定遠王謚忠敬方政謚忠毅
六年思任發遣使入謝太監王振力主討議侍讀劉球
諫不聽 命定西伯蔣貴為征夷將軍兵部尚書王驥
提督軍務征麓川太監吉祥監督軍務侍郎徐晞督軍
餉十一月搃兵蔣貴等大破麓川思任發遁 搃兵蔣

貴遣指揮萬誠等率兵擊敗蠻賊韋郎羅於維摩州宣
諭廣南富州土官儂郎沈政 七年論平麓川功進封

蔣貴定西侯王驥靖遠伯陞郎中侯璉為禮部右侍郎
楊寧為刑部右侍郎十月思任發復叛復以定西侯蔣
貴靖遠伯王驥兼兵部尚書提督軍務征麓川緬甸

八年二月靖遠伯王驥等至金齒大敗緬人於蠻江思
任發復遁 九年四月督麓川軍餉左僉都御史程富
還京賜帛金紵陞左副都御史五月命侍郎楊寧叅
贊雲南軍務十月巡撫侍郎楊寧遣使入緬詰問思任
發事緬人惧函任發首以獻 十二年十月麓川思任

發子思機發思上發掾孟養以叛 十三年命靖遠伯
王驥督軍務都督官聚為提兵張軌田禮為副率兵討
之十一月靖遠伯王驥等督兵破思機發於孟養寨河
西縣學教諭詹英劾驥老師費財濫行爵賞 召驥還
乃班師麓川事兩志所載畧有異同舊志載正統六年
以後事是年權閣王振專政遣都御史王驥統
東南兵十五萬征麓川思任發任發逃獲其妻妾象馬
寶玉無算官陞功職四百餘員明年麓川降明年定西
侯蔣貴靖遠伯王驥以征麓川為名再入雲南明年緬
人獲思任發函其首獻于軍又明年靖遠伯王驥帥師
會諸道復征麓川詹英劾之乃已玩其語意似歸咎於
權當迤西近地仁甫氏去昔未遠尚有傳聞於故老者
乎

成化十二年更置臨安瀾滄金騰曲靖四兵備道 十

四年罷尋甸廣西土官知府設流官 十九年命僉都

御史程宗撫諭木邦設猛密安撫使

弘治五年詔查錄開平王會孫常復於臨安戍所授南

京錦衣衛指揮使五月麓川夷酋思標囚禁罕它法構

兵巡按御史張泰檄諭各土漢兵臨思標境取還它法

標惧囚械其首禍者三十餘人 七年置賓川州

正德二年雲南屬夷阿本叛巡撫吳文度率兵討之平

嘉靖元年改金齒指揮使司為永昌軍民府仍置永昌

衛改騰衝指揮使司為騰越州仍置騰衝衛 二年添

設大理府督捕通判駐白崖 七年武定尋甸土酋煽

亂兵部尚書伍文定討平之 九年十一月大學士張
璉請草雲南鎮守內臣從之 十六年勅雲南鎮巡會
討安南 二十三年添設姚安府督捕通判駐赤石崖
二十四年添設洱海守備 三十年元江那鑑殺姪
那憲奪其印巡撫石簡率兵往討左布政使徐樾死之
四十五年巡撫御史劉思賢請罷臨元叅將設守備
從之 武定土酋鳳繼祖叛命巡撫兵部尚書呂光洵
發兵討賊賜之劍 兵備僉事張澤率尋甸兵與賊戰
敗績賊執澤以歸 巡撫尚書呂光洵視師境上兵備
叅政盧岐嶷副使楊守魯陸綸朱祿等分道進勦屢敗

之賊渡江遁 賊勢孤要挾求撫歸僉事張澤不許
賊以兵逼原執兵備僉事張澤不屈死之 官兵渡江
追賊於七州地界逆賊維祖為其下所殺餘眾悉降

隆慶三年添設鄧川州流官知州 四年復設臨元叅
將罷守備 勅雲南巡撫都御史兼制建昌畢節地方
五年黔國公沐朝弼以病具疏求致仕請以其子沐
昌祚帶都督銜掛印代鎮從之 六年巡撫鄒應龍劾
黔國公沐朝弼奉 旨逮問革任安置南京以其子沐
昌祚襲黔國公鎮守雲南
萬曆元年十一月巡撫都御史鄒應龍勦平鉄索箐屢

叛夷寇羅草等 二年二月述蒙毋璞等賊叛刳不已
應龍會昌祚并發兵鵬勦志平 五年廣南儂賊叛巡
撫王凝會鎮守沐昌祚撫定之 九年罷臨元叅軍復
設守備 十一年冬十月龐酋岳鳳耿酋罕虔勾緬叛
巡撫劉世曾御史董裕會黔國公沐昌祚疏遣叅將劉
綏鄧子龍討之 十一月莽應裡會孟養猛密車里八
百等兵併衆入犯巡撫劉世曾叅將鄧子龍破之擒罕
虔子攀枝花遊擊劉綏擒岳鳳及子曩烏于龐川獻俘
京師 十三年論平岳罕功加巡撫劉世曾右都御史
兼兵部右侍郎照舊巡撫沐昌祚加太子太保各蔭一

子 添設金騰叅將姚闕守備罷順蒙叅將改設守備
罷臨元守備復設叅將 十五年罷雄酋者繼榮叛

撫鎮劉世曾沐昌祚鵬勦斬繼榮罷雄平改設流官賜
州名羅平所名定雄 羅平餘黨董仲文等復叛官兵
勦平之 密堵送速二城久歸緬迤西思威思化思順
以兵復之按察使李材遊擊劉天俸乘勝助兵斬千餘
級巡撫劉世曾以捷聞尋陞材右僉都御史巡撫鄖陽
巡撫御史蘓鄭疏論迤西功多侈屍抵級 命逮材

天俸等下獄詔削巡撫劉世曾籍 甚哉邊事之難言也
遠如滇強如緬尤難
之難也言語不通憑象胥之口傳宣任意多變幻其詞
將官以首功為奇貨又不獨滇與緬也李公以理學鳴

似無此舉動而燕公抗疏數千言如嚴霜凜冽神宗
怒不測一切救疏如不聞每歲夏秋謝獄怒移西曹諸
司奪俸者數矣久之御史薛繼茂上疏救始下部覆奉
恩旨改戍或又謂公在鄖陽與中貴有隙或飛語入
宮借馭事為詞未可知也 十六年裁銀場道分屬四守道改分巡

安普道為兵巡安普道 勅臨元叅將兼治霑平守備
事 十九年丁苴白改夷普應春等叛撫鎮吳定沐昌
祚討平之題設新平縣 改新化州隸臨安府 二十
年特 旨增貢銀一千兩 二十一年設蠻哈守備
二十二年緬賊搆黨復入寇巡撫陳用賓遣把總官黃
龔移文暹羅國襲之 築八關二堡於三宣要害戍緬
并議屯田 復增貢銀一千兩 二十四年猛卯酋多

亨勾緬搆亂巡撫陳用賓檄木邦罕欽滅之築平麓城
議屯田四月黔國公沐昌祚致仕以子獻為都督僉事
鎮守 二十五年二月順寧土酋猛廷瑞與大侯奉赦
搆殺巡撫陳用賓以分守臨沅叅政李先著同金騰副
使邵以仁叅將吳顯忠提兵勦處先著議撫以仁徑襲
擊廷瑞平之因請改順寧府為流官大侯州為流郡
賜名雲州先著由是被誣逮繫死於獄 二十六年九
月順大餘孽歪轟猛思賢等復叛撫鎮陳用賓等再討
平之奏以順寧府改隸金騰道 猛密婦罕烘率孫思
禮內附置芒市遠緬潰遣兵送思禮歸仍長其地 二

十八年矣堵十三寨莽坑等復叛再討平之順大始定
命雲南撫鎮協討播酋楊應龍巡撫陳用賓移鎮曲
靖都督沐叡移鎮霑益 用賓叡遣叅將謝崇爵會廣
南知府黃宇督中軍張澍指揮沐榮等率兵至烏江與
賊戰勝之賊衆數萬陡至我兵敗奔爭渡橋折督陣官
何天慶甘靖方朝宗楊玉王彥韋俱陣亡金軍象馬盡
沒搃督李化龍論崇爵罪以 賜劍斬之二十九年太
監楊榮奏開寶并於猛密巡撫陳用賓上疏爭之至三
十三年奉 旨封閉五月論順大功陳用賓晉右都御
史兼兵部右侍郎沐叡晉右都督各蔭一子 三十年

三月思陀甸長官司土舍披額等糾合儂兵殺護印土
舍李泰華攻劫納更納樓二土司官兵勦平之六月築
順寧右甸所城 三十一年九月建雲州城 三十二
年緬攻猛密徵兵于思轟叅將王廷光止轟毋發轟從
之縛獻其使緬怒攻轟轟敗死都司王萬年救之不及
酋長思華據其地 原奏開採官張國臣被殺疏 聞
不報 三十三年巡撫陳用賓遣副將陳寅擒緬目多
罕復蠻莫界思正弟衍忠隨為思線奪據衍忠奔于蠻
泗九月遣叅將張名世封平舍勒毋賽夷賊即其地建
城十二月緬犯木邦副將陳寅等不救木邦失撫按論

罷之 三十四年正月揮揮賀世勛韓光大等圍內監
 府從外舉火入殺太監楊榮焚燒府第輜重殲其從役
 縊樹投井乞死者百數十人自榮入滇百姓被其害者什之九戎伍不什一耳指
 揮樊高明值宿不赴榮扑責之群弁攘袂而起闕于撫
 鎮一時不無委曲調停因即夜登舟見直指于昆陽又
 得滇人懦弱等語以為當路授意微矣適直兩夜順風
 往返迅速是日早二弁率軍張守志阮廷忠張聯科等
 一呼而集撫鎮聞變咸出署坐近地人從城上望但見
 大光炎矣府中栢樹無風自搖慘毒不忍言疏聞皇
 祖震怒不食賴 聖母慈聖太后力為解司禮亦有後
 唐張承業不任受 旨時山陰朱公在政府傳布所上
 揭奏謂 陛下無以一人故變動一方若欲票擬尤當
 有禹湯格 言又數日 旨出駟驛記憶大都謂榮死不
 足惜但不知紀綱何一旦至此其他一切寬網惟薄罰
 他方官罷中使不遣所論首事者群弁以序歸之二弁
 世勛斃于獄光大戍邊大哉聖人之能容乎若萬一不
 測一騎入金馬関恐滇人之憂別有所在此惟同時知

其微者知此語矣

二月順寧雲州右甸城成

請建學順寧并

右甸守禦所改雲州隸府七月蒙自新安等夷臨城擊

殺遣都司張名世叅將張榜率兵勦賊敗遁走 三

十五年十一月武定夷酋阿克叛攻破府城殺指揮金

守仁千戶王應爵并男婦四百五十餘人千戶梅應時

黃桂鎮府金榮高力戰死之十二月戊辰阿克率鄭舉

等擁推官白明通以兵隨其後直抵會城明通至城下

求入不許隨進公移請以冠帶印信給賊已已賊率兵

從北城外遠西南而東分道四掠沿村鎮市焚劫一空

寺觀廟宇及軍兵營房僅存十之三四民老穉不及避

者殺之壯者鹵而歸庚午賊率眾南指有若攻城之狀
 須臾舍而西坐索武定府印良久不已許之乃去辛未
 賊復來西城下縋城得印熟視各上馬負印而前即日
 拔營歸去是役始于激成終于無倫阿克一羯夷乳具
有八而鄭舉獨稱豪有力州郡每歲供億所取給舉不
啻強半業藏怒而不言尤不堪者五伯無名無己之求
又每遇巡方檄下搜除奸宄展轉變易無歲無其名每
一經訪煩費罪畧倍加于漢人一旦憤發有如潰癰時
即守掣符入賀問各賊發端之由不
知也已而徑抵會城勢莫可遏矣
 尋甸夷目大理保

楊禮名補夷婦海冲等叛攻破嵩明署印主事李性先

棄印逃出城吏目韋宗孝儒學學正龍旌死之宗孝閭

門殉節賊進逼楊林 守臨元道按察副使康夢相叅

將張名世統寧州等土兵入衛省城賊已先去即命夢
 相監其軍追賊於武定 都司王如淵率祿榮功李鳳
 等兵救楊林賊退 時巡按御史周懋相候代駐曲靖

就近調需益安紹慶土兵檄同知孫台督赴監軍按察
 副使羅希並聽部署諸路合兵並進是月除夕前二日
 大理保等攻尋甸城殺指揮諸藩裕千戶陳萬國戚貴
 卿土舍黃有能紹慶與戰敗之除夕元旦二夜復來劫
 營又大敗之賊遁 三十六年正月行左布政使彭應
 時右叅政楊俊臣副使陳徇都司范繼斌游擊將軍段
 宸督守備裴希度王之瑞率漢土兵分道追勦阿克鄭

舉等 鄭舉等復叛祿豐知縣蕪夢暘率民兵力戰死
之六月諸路合兵追賊陣擒阿克親兄恩弟鄭舉男國
賢鄭文子宗舜立相魯男祖堯等十一名阿克鄭舉逃
入東川 官兵歷東川境東川土司祿哲縛阿克鄭舉
解獻軍門 左布政使彭應時于黎溪州擒獲鄭文鄭
宗舜 叅政楊俊臣督廣南儂兵及官兵與海冲戰擒
斬有差 副使羅希益督同都司王如淵率安紹慶兵
斬楊禮男楊成俘妻妾四口斬賊黨阿白遊擊段辰前
後斬獲有差 致仕黔國公沐昌祚具疏報武尋失事
狀語侵其子沐獻 詔逮獻并巡撫陳用賓繫法司獄

相繼病死 巡按御史周懋相論劾臨元叅將張名世
擅殺良民報功并有報斬阿克不以實罪狀下部勘覆
十月巡撫都御史薛夢雷疏題武尋致變失事始末

詔逮武定知府陳典推官白明通元謀知縣毛文彩解
京師候訊 題報西路賊平請處分逆犯阿克鄭舉兵
相魯傑堯司鄭宗舜楊禮立任魯鳳恩弟鄭國賢等九
名奉 旨解京聽法司會審正法免獻俘 三十七年
二月巡撫周嘉謨題請補鑄武定府印信去軍民二字
兵部覆巡按御史周懋相疏行撫按提解張名世赴
京聽法司覆問定罪 三十八年隴川宣撫多安民叛

入緬巡撫周嘉謨屢遣招諭不聽十二月檄金騰兵備
按察副使黃文炳副總兵董獻策討之殺安民隴川平
三十九年正月巡撫周嘉謨條上隴川善後立多安
民弟安靖管隴川事五月隴川夷目糾落獻隴川宣撫
司金牌印信 四十年十月叙隴川功陞周嘉謨兵部
右侍郎 賜金幣餘以次陞賞 四十一年水西霑益
以讎搆兵二月安堯臣以兵萬人入霑益境逼安紹慶
巢穴殺傷無限侵及官道并虜男女索厚價取贖巡撫
周嘉謨備述具疏題參行兩省會問 四十二年巡撫
都御史周嘉謨請改設雲龍州流官 裁草五井題舉

以鹽課歸雲龍州 割山後地六里屬雲龍州 四十
三年四月建水州土酋刁春琪擄引交兵入犯攻破五
邦等地方土舍沙源率兵堵截勝之斬交人偽封侯伯
三人擒斬交兵有差 四十八年蕎甸寇劫掠郡縣巡
撫沈儼劾招撫之設守備官營沽古甸龍峒等營 雲
龍州土酋段進忠殺其侄應襲段嘉龍巡撫沈儼劾
瀾滄兵備按察副使熊鳴岐誘擒械繫省城殺之改設
流官 雲龍原設土官知州一員段氏世襲流官吏目一
員掌州印幅員三里夷民輸賦銀二百比段進忠
殺應襲段嘉龍事平善後改土設流裁冗割地裒益焉
先經巡撫都御史周嘉謨巡按都御史鄧漢議題至是
請北勝州土舍高蘭與高世昌爭襲讎殺巡撫沈儼劾

檄兵備按察副使熊鳴岐徵麗江土官木增兵攻之蘭
仰藥成仍臬示各土司六月巡撫沈徹劾題以遼餉措
解難前奏蠲前加金之數得 旨 先帝即位之初軫
念畿省凋瘵首罷稅務以蘇民困今既稱地方加派遼
餉措處煩難朕心憫惻特允所請准將每年貢金蠲免
二千金仍進三千兩以備造各典禮錢糧急需以昭朝
廷恤念小民德意戶部知道 貢金之數原二千萬曆十
八年特 旨增加三千時
在京仕紳徃白司徒即閔中楊君應宿唯唯詰旦入署
言于大司農蒲阪楊公俊民曰雲南增貢金事某職掌
也當力爭楊公即令其疏上請有 旨免一千兩再有
賣陳仍如數增大司徒謂彼此相傳姑無言竟以言者
未已仍增為五千其詳具賦役志中節 八月題裁大理
經撫按請免不報至是 俞撫臣言

府白崖督捕通判一員金齒打牛坪雲龍甸巡檢三員
設守備一員於蕎甸統兵三百為四小營防守禦寇

天啟元年九月四川永寧土酋奢崇明奢寅貴州土舍
安邦彥相繼逆叛兩省各移白便宜發兵赴救十月巡
撫沈徹劾調合省土兵於曲靖以按察副使黃似華監
紀並援黔蜀十二月遣都司李天常指揮王懋勳張神
武等統寧州岷峨漢土兵四千援黔師次安莊衛疊水
岩官軍陷沒天常死之懋勳神武俱被害岷峨土官祿
崇功子培被執 二年正月遣都司楊明廷統兵三千
援蜀師次畢節會烏撒土酋安効良以助逆先伏兵阻

截我兵敗績明廷並中軍程坤死之指揮蔣藩屏百戶
盧應藩奉差指揮朱家相張聯斗絕城出走弗及俱為
賊所殺叅將戶啟易統兵四千次烏撒聞効良叛退保
交水二月霑益土婦設科惡目補鮐奈科李賢期曲等
叛焚劫霑倘炎松交白六站堡 設科李賢等隔平夷
殺管操指揮曹三捷及軍民數百衆失衛所伍印掌印
指揮唐九官千百戶等被創奔逃 武定夷目張世臣
糾小東川夷賊千餘攻隔他頗補知二營殺管營武舉
官陳錫忠 巡撫沈儼烝便宜起原任叅將李思忠督
兵赴武定防守三月添設武尋游擊一員倘甸守備一

員其霑平蕎甸守備俱改游擊

東川土酋祿十錢及

祿阿伽張世臣率兵數千與設科等合攻松明知州王

育德率軍民固守官兵先至者犒賞安插便宜留之

巡撫沈儼烝便宜起原任叅將袁善督守備金為貢土

官沙源至果馬為貴衝鋒首敗賊衆斬級千餘賊退

袁善又計擒倘甸夷目阿托搜獲為美縣印一有元至

正年號 賊攻嵩明袁善督沙源等兵至狗街大戰斬

東川七州土官一人其餘首功一百五十餘級賊屢經

挫衄回巢遣夷目出倘甸乞降許之 設科等率兵入

陸涼州境焚劫各鄉知州郭俊義統兵出禦兵敗死之

武定賊張世臣阿歹阿克張拱漢等脅撒裡等夷民
 叛攻府城知府胡其愷率兵民守陴參將李思忠領寧
 州祿溥祿洪等漢土兵與戰大敗之斬首四十餘師進
 撒甸撒麻邑撒裡環州等寨追勦各賊并各叛夷前後
 擒斬二百餘級各賊就擒惟張世臣遁匿張世臣最號
 烏撒有婚姻之好阿歹等鳳克之餘裔也是役寔為尋
 甸犄角且以我為不能兩應耳一戰勝後迎刃而散世
 臣雖鼠竄寔鼠竄寔四月遣參將戶啟易守備李加培周嘉映映
 游釜之魚耳自交水督兵進雷益安効良親統水西烏撒兵拒戰我
 兵陷沒奪去貢象三加培嘉映映俱死之七月補鮓安應
 龍等攻陷亦佐焚燬縣治民居知縣封存章逃赴廣西

府八月補鮓攻越州焚劫闕廟村屯巡撫沈儼劾發曲
 靖兵往援九月補鮓阿九安應龍等賊攻羅平州所署
 印通判梅守聘千戶傅昇重等率民兵守城賊焚闕廟
 攻城六日不克引去十月安効良兵入雷益軍民降附
 奔逃同城烏撒衛後所千戶劉受祿等棄城投交水
 交岡犯安南長官司龍舌哨土官舍沙源等與新安所
 官軍堵截斬交兵戰象交人遁歸 十二月阿九安應
 龍等圍羅平兩月不解州縣緹城以血書告急巡撫閔
 洪學道同知李聲揚統土官龍在田等兵往援遣參將
 施翰統土官沙源等兵策應 三年正月補鮓阿九安

應龍等攻破阿邦等寨復攻師宗城聲揚等力禦勝之
賊退劄偏頭山二月官兵攻阿邦比得等寨斬賊四百
八十餘級 賊首補鮐阿九安應龍等復攻州城官兵
斬賊七十餘級賊敗退應襲白醇如土舍吾必奎追之
各斬賊有差是月奉 旨暫停本省貢金候事平仍進
三月巡撫閔洪學遣副使黃似華于羅平監軍遣游擊
李思忠于師宗策應 檄施翰等兵勦補兆偏頭山
等賊斬獲二百餘擒魯邑叛酋施恩遠四月計誘羅平
賊首阿九父子等于法干寨殺之巡撫閔洪學是月檄叅
將施翰乘勝追勦補鮐安應龍等至亦佐 酋婦隆氏

技歸順坎者蘆塘三營至普安擒賊從安氏三隴應麒
及安應龍妻屬斬馘三百餘級師還勒石除羅平苛政

七十二款 羅平各夷之亂也由有司橫征無藝歲額之
外溢千二百餘金而歌戶諸邑橫索尤甚民
不堪命亂所從來矣勒石除苛政
七十二款夷漢相慶不問可知 巡撫閔洪學遣叅將

袁善率兵恢復平夷衛城并白水站收招流散屯種如
故五月建交水城移平夷右所官軍守之 改安寧提
舉司為琅井提舉司駐琅井安寧益課附州徵解 水
西普安賊兵萬餘攻平夷守將袁善用銃擊賊斬級無
數賊焚屍野祭而去善又督兵躡之由羊腸亦佐越州
賊復遁七月建平夷衛城及白水站土垣八月巡撫閔

洪學發兵西路援黔左布政使謝存仁督兵由黃草壩
新城馬乃安南所進沿路勦撫斬級五十餘叅將袁善
督裨將王聘選張雲鵬等統兵由亦資孔普安道襲土
宣營斬八十八級擒賊首段二九月袁善兵抵安南圍
解守將許成名楊文炳郊迎犒師出帑銀一千三百兩
賑城中軍民十月水面歸濟比恰并普安賊萬餘截滇
兵於江西城土官守備沙如玉單騎衝鋒賊敗官兵乘
勝掩殺斬賊一百三十餘級奪器械無算閏十月收復新
興普安併平夷樂民等城亦資孔等站十一月攻破八
納山斬普安賊首尹王保及餘賊七十餘級 需益叛

首設科李賢就擒設科安邦彥之妹安効良與之通李賢為之用破需益平夷炎方等州衛驛站戍職官殺官軍百姓無算至是兵備右叅議王鏌叅將月啟易計擒之押科械繫賢就外法司獄候題請處檄經歷魏天命之亦佐縣收招流散被擄人民七

百有奇撫定夷寨一千六十有奇取其親子為質補三
年通負築城守之 四年二月遣副總兵袁善督兵鷓
勦需益哈馬谷斬賊三十級三月水西賊入普安界副
總袁善督兵堵截於簸箕羅朋七家等寨斬賊級四十
有一四月鷓勦需益草泥法墮以那冲等寨擒斬俘獲
共二百餘七月檄武舉官李瑗率兵襲破首張世臣于
他頗賊黨勢孤斬世臣執其妻及子武尋賊平八月新

化州新平縣賊首魯魁魯克等潛伏山箐巡撫閔洪學
檄分守臨元副使胡其愷游擊劉崇禮分兵搜捕俘斬
三百名顛有奇餘黨悉降就地安插立十二哨戍之而
還十一月巡撫閔洪學遣裨將吾必奎等統兵恢復炎
方駟招集其民十二月朔黔國公沐昌祚卒是月烏撒
土酋安効良縛亦佐縣賊首安應龍并貴州烏撒衛經
歷司各印信來獻勞其使而歸之還至曲靖府城外被
殺 五年二月巡撫閔洪學遣副總兵袁善統兵復霑
益州城修復松炎霑倘四驛站堡三月安効良忿來獻
功人見殺又因我兵進復霑益遂糾水蘭二酋擁衆入

犯我兵止六千人賊數甚夥分兵一圍霑益一攻炎方
副總兵袁善督宣撫沙源方戰勝之賊不能窺霑益守
備吾必奎堅守炎方以老其師袁善等乘勝間出炎方
內外夾攻又勝之于炎方前後五戰計斬級三百四十
餘他死鳥銃者無算賊遁去四月發兵霑益勦捕賊黨
龍更斬賊級八十有奇俘賊屬牛羊有差五月安効良
復糾水西兵入寇巡撫閔洪學檄左布政使謝存仁副
總兵袁善合戶啟易督守備郝太極宣撫沙源率兵堵
截是月戊午賊前鋒遊騎至馬龍與吾兵適相遇賊騎
見戰象而驚我兵襲擊賊自蹂躪授首己未戰於磨盤

山至甲子首尾五日斬賊級共二千有奇賊從間道走
尋甸官兵追及戰于鳳梧山下殺傷相當賊遂由山頂
分兩路遁走我兵又躡其後又伏兵截其歸斬數十賊
假道東川因東川斫樹塞路不與通遂取別路而歸是
役賊負山連營聲言十餘萬我兵僅萬人又阿遣馬酋
龍戈資齎金投賊為之鄉導賊縱橫曲馬之間及敗走
尋甸渡龍勝江或從船或從七星橋又途窮于鳳梧路
塞于東川而指示徑竇導之出疆皆戈資之為也比調
集景東兵象如干廣南銃手如干及赤石崖毒弩手俱
入會城黔兵已入滇境而賊一夕遁去矣賊退遣人齎

金獎諭東川購戈資獻軍門數其罪逆斬之傳首諸夷
六月從撫按之奏請以沐啟元為征南將軍黔國公
鎮守雲南

賦役志

包氏志草云雲南漢夷相錯其地沃瘠相半所入不過
曰賦役曰礦曰益曰稅課教者始未嘗不蕩供簡易而
後稍疲累也夫計生齒不加繁田土不加闢膏腴半屬
巨室徵輸獨煩編戶俗窳賤農召夷佃作力耕火種涔
旱有時而賦額虧鑿穴椎岩萬死一生砂脉漸微懸課
益通而礦額虧一線之井非池非海淋漓甚艱再椎孔
亟而益額虧物力大耗征歛無經關門晝閉商旅日稀
而稅額虧又足之以割股充腹之喻而歸于慎德轉移
之一言具矣庸夫閤筆踟躕因念今昔不同時常變不

同局煩簡不同用舊貫改作裒益多寡不同規畫而四
虧之故可反覆推矣果若所言橫索之惧擾乎而今盡
官徵矣情農不力雨暘弗若乎而陂塘隄備在在咸有
矣胡為乎額又虧于賦也椎鑿不釋金氣哀微乎然孤
虛旺相上應乎天有退而成功者必有進而將來者胡
為乎額尤虧於礦也負益出井舉恬而恬之非有聚傭
煮海之利出浮於入乎然再權之令罷數歲復隆開而
作鹽非一井盜淋涵者日聚訟矣胡為乎鹽額尚虧也
物力耗征藝苛關門晝閉商旅不行此可藉口于萬曆
之季而今頓改矣即道途多梗取償物價不啻相當而

稅額何尚虧也論理財者曰不在官則在民乃有不在
官而在庶人之在官者不在民而在奸民者此兩種人
內不出外不入則窮鄉無坐索之里胥徭役無偏累之
貧戶小民之樂輸且先於有司之督責矣又有在奸民
在游惰之民者夫民不見可欲不相往來攘攘熙熙而
不絕者以利言也東野之叟年七十餘無子每歲走諸
銀場如鶩猶曰其人忠寔官司不肯縱舍也良家子廢
業人奴竊其主及四方亡命逋逃一以此為淵藪其狡
黠與強有力久而起家者皆是也一復隆井耳復隆之
人能辨之乃會城市魁往之求登壘陰報鹽丁名於官

而之士夫名合士夫姓假士夫子弟衣冠投刺冒百金以
歸有親見而密告者又惧結業畏之如虎不敢為左証
卒也道遠力訕付之無可奈何已矣四方之貨一入滇
慮無不售其道愈遠其來愈難其於入貨者愈有辭於
出貨者愈有利試問數十年來揚揚大都何計然程鄭
之多也如是而四賦果在官乎果在民乎抑出於官與
民之外乎今天下多事度支力竭筭及猥細議者曰與
其開利孔不若清弊竇也不塞不流不止不行司計者
無為四虧所惑而徐綜覈焉庶滇猶不至坐困不然外
有不即除之叛夷內有不即去之征繕捉襟露肘左枝

右梧即事定功成之後閭左日蕭條而莫知所究也

貢金 原無正額嘉靖十三年始派解二千兩每年春
夏辦足色金一千兩價銀六千三百六十三兩秋冬辦
成色金一千兩價銀五千五百六十七兩俱於布政使
濟用庫秋糧差發各項銀內措置動買萬曆二十二年
奉 旨每年加足色成色金三千兩共五千兩繼以閣
臣王錫爵疏免 准減成色金一千兩立限每年七月
十五日解 進復以撫臣吳定疏免 仍增一千兩繼
以部臣楊俊民疏免復 准減一千兩又復以科臣王
德完疏請召買復增一千兩是後雲南撫按相繼請免

章不啻數十上一切不報至 天啟即位允撫臣沈儆
灼之奏除免加增項又以疆場多虞暫免解進民稍稍
息肩

寶石 原非額賦間奉勅合給發司府庫銀易買萬曆
二十七年專 勅太監開採巡撫陳用賓上疏力請尋
奉 詔停免是物也產于猛密謂之寶井或曰如廉州
之珠池泗水得之或曰以鈎鑷入水取之其始甚大經
風而碎皆不可知但傳聞近年夷人與外人交易久見
其揀擇曰知石之高下美惡今出之權在彼不如昔之
任意擇取得價而已是以其價益貴其好者愈難得又

夷方多置毒藥旋途多盜近有避稅取逕路行者受禍
愈酷此寶石之大略也然京師賈人所聚寔多即有
旨取內供足以供之

象隻 原係土司進 貢萬曆六年二十六年節奉勅
合於夷方買進每次三十隻每隻價銀六十二兩五錢
金之累在於本土象之累在於客途是役也象人以為
奇貨百相索也百相應也入其疆如芒刺之在貝出其
疆如重負之息肩也先期半載於永寧具舟蓋此路平
衍舍此無他途而今不敢言矣即兵燹寧定恐非歲月
可以望坦坦者况馴象所尚未稱乏或不遽係辦于厥

貢乎

屏石奉勳合尺寸于大理蒼山採進六七尺者採挖
運解俱艱議照先年以五尺以下折筭充數然物重途
遠即太平猶難况今日乎

兵食志

天下皆有衛所皆有軍皆有屯然而兵食之寄不與焉
滇前志列三端如日月星辰無以易者志草于軍寔下
附募兵矣然讀至終篇竟無一語豈著書者漏略抑為
人芟除也從前用兵所用皆土司兵而土司兵亦不在
論中豈謂官數軍食具而兵足乎屯種之數具而食足
乎今日朝端之咨議士大夫之樂談何非兵將戰馬
兵器火器號衣紙甲及設法理財請內帑供軍儲兵
餉乎何不聞一處取諸衛所軍屯也頃四五年中蒐羅
將才大者或起之乎廢閑或借之于就近有間闕捧檄

不遠萬里直是從天而下小者亦多得諸草澤自相薦
引於行伍中什不得一至索健兒于十軍之外則曲交
之征人寔抽騰永之戍卒所至効用而奏功者土司兵
耳土司兵在安攘備考所列俱出迤西近沙普諸路又
出迤東以上種種茫不得其要領又念滇事最急孰過
此二端不能寥寥間請于滇撫閔公辱承裁答大都會
兵屯與時遷化桑田滄海多非故我所稱不能為有無
信然也屯糧為胥吏窟穴散亂之極不得已澈底清釐
殫兩年之力而成書尚恐非寔錄土兵先用迤西今
用迤東者先年防緬近年防交干戈相尋之處則死士

出焉其習然耳時下沙普二兵最勁沙可二千普可五
千此外廣南銃手似精但其人猶闇弱兵無紀律元江
兵派之夷寨脆弱不堪寧州景東可各三四千不甚勁
而土官並恭謹寧州尤切近足備緩急岨峨兵不滿千
不足恃石屏可一千二三百銃手亦精又云滇賦歲額
出入之數歲無餘剩惟省城府衛縣三倉本色年該四
萬向來收支之數院司不一過而問之每四五月倉無
粒米自某受事親置部登記故陳陳相因運曲靖絡繹
不絕皆是物也然歲所得不過一萬六七千而已蓋二
百言而大都已囊括矣已又遺募兵大數及土司略節

及新定屯糧一一取以為據庶幾此書不至寥落至于
土司風土遠近情偽強弱之詳仍於羈縻志中足之可
以參互並觀此外別有鄉兵所謂牛叢也者前撫沈公
從郡人姑蘓學博王來儀之議行之會城得兵近萬雖
不敢謂盡可用然緩急時有君子代價備而不用茲是
謂乎今附原議于後以俟來者志草之策衛所曰清黃
於結襲之始調能於考選之日策土著曰時操練以習
其技藝優月糧以厚其賞賚策屯田曰復波塘以有備
于水旱懲豪右以無慢其經界竊以為梁肉藥石因其
時而用之今日之滇病矣其無酌所調劑者存已乎

洪武制外衛軍七分屯種三分備操蓋以七人所種之
穀養三人也但初則一軍授田二十畝種穀三石二斗
歲徵穀五十石入屯倉每月支穀二石歲支二十四石
為家小糧支三石二斗為種穀是徵五十石入倉其寔
在官止二十二石八斗也後官吏為奸屯倉既遠漸不
可支七分軍歲納穀五十石益困每告訴皆云不可改
後都指揮張麟精審其弊遂為奏改名曰與除謂以家
小食穀二十四石及種穀三石二斗皆與軍而除其歲
徵之穀也然穀之納亦多弊遂照例以米四斗折穀一
石使歲納米九石一斗二升于是軍不困而官易徵迄

今便之

天下郡國利病書卷一百八 旅途志

郡國未有以旅途記者滇在天末東有黔中諸夷間
之北有蜀之裔土南有粵之羈縻屬縣間之道途通
塞命脉係焉昔楚莊僑泝沅水略地至滇池其轉戰
逐北經歷之地未有紀也秦常頡通五尺道漢唐蒙
治夜郎道司馬相如治靈關道其所鏤山刻木之地
未有紀也劉尚之擊棟蚕孔明之擊雍闓皆渡瀘水
李雄僭蜀遣李釗攻寧州刺史王遜進軍由小會隋
史萬歲之討爨觀自靖蛉川經大小勃弄元世祖之
伐大理自忒刺分三路或由冥當或由白蠻或由滿

陀城而其師行所過止宿警蹕未有紀也公孫述時
句町大姓保境為漢遣使自番禺江奉貢而其間道
所趨閱歷何所未有紀也惟唐志載貞觀十年遣禮
部郎中袁滋與內給事劉貞諒使南詔自戎州開邊
縣由曲州石門鎮鄧枕山馬鞍渡蒙夔山諭官州薄
呼州界江山荆溪谷激深池湯麻類柘東城安寧井
曲水石鼓佉龍至羊首咩城貞觀十四年遣內侍劉
希昂使南詔自雋州清溪關由大定達仕二城西南
經箐口永安木瓜嶺臺登城蕪祈縣羗浪駟蓬嶺會
川河子鎮渡瀘水至姚州又載安南經交趾太平峰

州南田恩樓縣忠城多利州朱貴州浮動山天井山
山上夾道皆天井間不容跬者三十里又經湯泉州
祿索州龍武州皆蠻蠻安南境又歷儻遲頓入平城
洞深水至曲江劍南地然其山川之險易物情之變
幻未有紀也 國朝通滇為列藩其入覲之路置傳
設驛馬曰東路間道走蜀者曰西路頃歲安氏衝決
烏酋吠聲東西道斷因北走金沙大渡曰建越路建
越多夷患復不能以時開通又南問道粵西自廣南
達南寧其分歧而合於廣南者通曰廣南路廣南在
滇之南折而東北始達南寧其道迂又有由東直走

羅平安寵以達田州者曰羅平路一一撮其亭徽焉
覈其遠近險易考其人情焉東路由黔以達于沅州
始為楚郡故止於沅州志普定興隆路并志黔志黔
亦以志滇也黔之腹心滇之咽喉也志清浪晃州路
并志楚志楚亦以志滇也楚之邊徼滇之唇齒也西
路由黔西以達納溪建越路由會川以達榮經始為
蜀邑故止于納溪榮經志烏撒建越路并志蜀志蜀
亦以志滇也蜀之藩籬滇之門戶也廣南羅平至於
南寧始為粵郡故止於南寧志歸順田州路并志粵
志粵亦以志滇也粵之窮荒滇之扼塞也諸路皆由

陸惟金沙有水道而未通故以金沙江附焉山川書
其歷不書其望艱難險阻迂怪謠俗咸書以補他志
所不及云

陸路

普安入黔舊路

雲南治城三亭而達板橋驛近郊有金馬關

板橋達楊林所號三亭寔六亭者察亦水鵬

楊林所達易龍驛有木密關守禦所號三亭納禧寔七亭羅傍

山沈楊林海子方如支郡三城有漁舟百十艘有黃坡

沿海扼塞昔熾騰永叛卒于此

易龍達馬龍州號三亭趙福白塔昌隆寔八亭途經小關索嶺

古城堡魯婆伽巡檢司夾路多闔場花丹素二采

馬龍三亭而達南寧驛馬始用昆蹄昆蹄也者範金飾

馬蹄以禦石齒爾雅曰昆蹄善升馱郭璞曰馱山形如

獸或曰周公通九夷時所制也有響水關

南寧達白水號三亭阿幢橋分水交水寔八亭交水平川可走

輪阿幢橋有大道走曲靖府號三岔路有鉄溝哨

白水達平夷六亭多羅響水石層有茶花箐多盜路有清溪洞

面溪中流宵深芒火入之有浮屠龍象芝朶雲英之像

皆石乳流結者有桂花洞有桂花一本百尺盤根洞底

枝出洞外秋華時香徹他山

平夷衛六亭火燒東堡平夷而達亦資孔驛枕石象山中路有

掉楔曰滇南勝境還觀山平天瀾東望則箐霧瘴雲此

天限二方也有平夷所馬鬃嶺哨洞

亦資孔驛達普安州號六亭寔八亭嵩子海子火嵩莪娘有番納

年山土人稱雲南坡波陀相續行石齒中

普安州達新興驛號六亭板橋草刺撒麻水塘高麗寔八亭而崎出

城有狗場坡民無編戶土酋號十二營長其部落有羅

羅仲家狔獠焚人言語各不相諳以焚人譯之夷俗有

火炬二節丑未月之念四日是其辰也是節擊鮮以祭

小兒各持火喧戲於市若中州上元然撒麻亭有八部
山地名舊普安唐盤州遺址存焉有軟橋坡其水為盤
江之委板橋坡地廣黃壤樹多青松土人燧松梯以代
燭堡站寔枕新盤山

新興達安南衛號六亭芭蕉沈納牛場蠟茹鳥鳴寔八亭有新興坡

芭蕉關分水嶺江西坡沙子嶺上老鴉關沙行者十六

石行者十四衛城南圍有尾灑井清甘可茗因以名驛

夷言尾灑華言水下也

安南達查城號六亭尾灑水洞壁甸盤江黃土坡寔十亭而遇有哈

馬章倒馬坎盤江坡至盤江江出烏蠻滙于廣西者香

江江即左饒瘴癘草青之日有綠烟騰波散為宛虹駭霞

觸之如炊杭菑苗行人畏之江岸乃靖遠伯南征喪火

師之所每水溢時多化為異物過江有癩石坡黃土坡

西關坡山幽箐邃吐霧迷天不分咫尺行者前後呼相

查城四亭而達關嶺安龍箐白口堡關嶺茲東路險絕首險也有

白口坡東坡安遠箐坡有胡椒凹有象嶺石右皆崖箐

萬仞中僅有道如梁行者慄汗有香樹坡小箐口坡草

多芝鳥多山呼獸多熊中途懸岩有呂公像舊自查城

至白水路賒馬痛萬曆中葉當事者請移郵傳于關嶺

所執政誤讀嶺為山嶺遂承旨為關山嶺驛

關嶺四亭雞背白水河橋而達安莊衛關嶺四十三盤而下有

鷓公背與關嶺相對兩山之界趾界以溪澗至白水有懸

崖疊水飛流瀑布自山端下注三崕相承下為深潭神

蛇宅之見者必嬰重疾又謂有水年時出岩谷後徙去

夏漲時噴沫如雲霧冒數里

安莊五亭龍泉馬場楊家橋而達普定寔茲荒徼名都舊永寧

安順鎮寧三州同城今移鎮寧於安莊永寧於安南而

擢安順為軍民府自威潰以西皆隸焉地稍平行如髻

鬟城南闌有塔山浮圖標其巔兵使者署中有石化樹

可四五尺碧葉紫花結寔紅而黑其本猶石也浙藩司

之後園林佳勝相傳賈似道別署有樹化石石根猶古
松也其類是欵

普定六亭沙作飯籠龍窩阿箬樂得而達平壩衛

平壩四亭而崎阿冬鎮夷狗場的澄達威清衛有的澄橋其水黝

湛夾堤多蒼葉

威清五亭而達貴州治城阿江小箐倒樹六寨山稍夷類峭澗夾

路多野澄以春冬之交華治城近蠻之秀者曰鳳皇帶

城有襄陽橋林多貴竹有貴竹長官司因竹以名州野

產紫芝土人呼菌王解菌毒城市以猴兔二辰為易

貴州五亭為寨獨脚畢堡龍洞而達龍里衛

龍里六亭

乾溪爰城新安龍從麻子

而達新添衛路夾長澗有長谷

坪空洞坡野猪洞龍從坡野猪洞猪穴之石崖截立千

仞盤回復近人騎弗戒恒有墜者新安對亭有埭峭立

而上平下有洞深靚九龍觀標其巔

新添達平越衛號六亭

崖頭冷溪黃絲堡西陽谷子

寔十亭而遥經

望城江西羅羅酉陽倒馬五坡有谷蠻關龍場蛇場路

皆石齒馬升馱昆蹄踏聲鏗然火星出地膏有苗行者

側足焉

平越達清平衛號六亭

三郎羊場楊老胡資鷄場

寔九亭而遥陟梅

嶺關度麻合江津人乃水獠夷江漢苗人以石壘就水

澤髮獠夷家女留鯀鰓以供臘祭地有羊腸雞腸寔諸

夷互市以十二辰相逋歷十二日一市每場歲三十市

歲暮即場醪會持牛角為觴吹蘆笙為樂

清平達興隆會七亭而遥

落燈羅衛重安周洞黃猴

渡重安江江色

如渥散岸樹二桓絙纜絕之舟循纜以渡有雲溪洞可

隱千室望香爐山為岳三城其高蔽霄下肆無景上有

漢泥一溪沃疇千圃聚落千部時出禦貨戕人官兵來

討輒泝水下注酉陽土兵環之弗克攻有隕自崖者獲

之詢之江佑也舍之苗俗以長至為歲朝考鼓擊柝群

飲醉臥土兵尾江佑以登關其關殺其關焉者二人急

從金群帥悉登盡殲之遂城香爐為官戎其降苗於黃
猴落燈之間

興隆衛五亭而達偏橋履坦東途經東坡有岩洞類梵

壁普陀境垂乳結溜象雲朵芝英懸泉淙然

偏橋衛達鎮遠府六亭而遇白羊九曲望雲渡河而東

有相見坡望城坡望雲關九曲關油榨關沅水沂流舟

通遠而止近決石梁通至偏橋

鎮遠達清浪號四亭宛溪焦寔十亭經草鞵坡雞鳴關

清浪四亭而遇內溪楊達平溪衛渡沅江有峩眉太平堡

平溪六亭而遇閩灘宋達晃州州廢名存土

人相傳此地為古夜郎無據焉爾後漢書曰夜郎東接

長本出于木以竹為姓唐志夜郎隸夷州宋志隸瀾州

今廢古夜郎城在貴州石旂府葛彰長官司西六十里

與晃州絕不知土人何因傳訛也李白流夜郎寔未至

而返其詩云夜郎萬里道西上令人老又曰五色雲間

鵲飛鳴天上來傳聞赦書至却放夜郎回又曰昔去三

湘遠今還萬死餘意李白上夜郎沂三湘至晃州聞命

而返遂以見途經南寧鮎魚二堡山產石墨道皆

晃州驛五亭而遇新村冷水達便水舟亂沅江途亘蜈

蚣關山速道近形如其名樹多樺土人燧樺膚以燭代

便水驛達沅州號四亭炭田竹坪寔八亭州臨江江繞

明山自沅以西亭徽荒漫記里多倍而遇徂宵西燎相

積跋地乃至路經栗子關地產玉泥可陶陟阪石滑捨

天下郡國利病書 卷一百一 雲南 八

騎乃躋

自雲南至沅州一千八百九十里為東路

太史楊莊介公得罪南竄自公安至博南為滇程記
亭徼之遠近山川之夷隘盡此矣今取其自會城至
沅州者稍增損志東路西路而下不揣固陋摹擬續
之

烏撒入蜀舊路

繇交水西北五亭而達松林驛平波相半舊名普魯吉
今以名堡

松林七亭而達炎方驛有火忽都堡途經松韶關

炎方八亭而達霑益州與烏撒復所同城始食蜀益西
有崇山連亘數十里曰石龍山土酋安氏所居有水菁
坡馬鞍哨土兵守之皆隸安氏

霑益八亭而達倘塘驛有倘塘站隸黔中寔滇黔蜀錯
繡地自倘塘至納溪縣皆貴州都指揮馬燁所開路
倘塘達可渡五亭而遇有大谿出山谷中清而駛梁以
巨木橫溪上曰可渡橋因以名驛隸四川烏撒府其站
曰普德歸有石牙有石井中哨石岩路漸峻滇疆止於
石岩

可度九亭而達烏撒衛有四川烏撒府與衛同城烏首

所居曰鹽倉去城一舍中道停驂之所有古松四株其險道有楊橋三灣

烏撒八亭而達瓦店有禮木林橫長十餘里縱莫知其極樹多梨以地險多夷寇行人莫敢取鹽倉酋縱馬其中食之其阨塞有磴子坎每月以午未日聚行族千餘嚴兵乃過

瓦店七亭而達黑張自烏撒以西山地瘠不宜稻惟此地有稻田數百隻烏撒瓦店皆仰食焉有天生橋產銀

非
黑張七亭而達周泥至野馬川即望周泥在面山下至

山趾陟七星關山巔窮日乃至七星關水瀦于陸廣水勢滿濤為滇蜀要津昔梁王追明王珍於此有橋懸崖架木為之

周泥九亭而達畢節衛黔西諸譯皆隸蜀惟畢節驛隸黔國初都督馬燁鎮貴州裸撻水酋婦奢香欲激之叛因盡薙羅鬼開水西為郡有宣慰同知宋欽妻劉氏間道走金陵訴之高皇帝命劉氏召奢香與子婦奢助至宮約合刊山開龍場九驛自貴州至畢節乃徵燁殺之香遂設九驛廩餼馬匹皆水酋供之

畢節七亭而達層臺所舊有衛今廢有木稀巡司倒馬

坎
層臺六亭而達白崖有相見坡

白崖五亭而達赤水衛衛在雪山關下臨赤虺河河源
出芒部冬夏以纜連舟為浮橋夏秋泛溢奔流津人飭
篙柁乃濟

赤水七亭而達摩泥所躋雪山關嶺頭饒瘴霧鮮晴旭
行淖泥中人馬苦之

摩泥七亭而達普市有一碗水坡泥行如雪山關行人
謠云摩泥普市天三日無雨似神仙大抵黔中為古牂
牂郡古志云上值天井故多雨潦信然夾路皆深茅多

戾虫不可暝行

普市十亭而達永寧衛蘭酋與衛夾江而居水至納溪
縣達於江 國初景川侯曹震奉 命庀工開之其灘

一百九十五名灘八十二石之大者鑿之水之陡者平
之舟楫通焉刻石於江門大灘上

永寧五亭而達永安

永安驛七亭而達江門

江門驛七亭而達大洲沿江有九溪十八口刊山鑿石
崩劣多不可騎

大洲驛六亭而達納溪縣江中有三層峽天子磴至渠

壩有馬閣王七空橋今廢馬閣王即馬燁燁鎮黔果於
殺戮諸羅憚之故云

自交水至納溪一千二百一十里為西路
昔天兵南下以西平督東師戰普定潁川督西師
戰烏撒南土既定遂以西路置傳為神京孔道滇人
之出也自交水十五日而達永寧順流大江其歸也
一挽舟為難則溯沅水取道貴筑邇年滇師西援成都
烏酋為二陵之禦遂破畢師墮烏撒可度以外無復
人境矣夫滇人西出而東歸若兩息出入然無四衛
是無滇也亂後輪蹄絕跡津渡日迷即旦暮再闢亦

不能無師老馬矣

建昌路考

縣雲南治城西北達富民縣可八亭有河環流縣治即
滇池之流也河有輿梁途經妙高坡清水關

富民西北十二亭達武定坡有鷄街子坡趾夷而頂峻
東南為雲南西北為武定官兵征鳳繼祖敗績於此踰
坡有小甸關扼要可守

武定西歷烏龍洞躍鷹村高橋村至馬鞍山七亭村落
十餘皆枕山面流川原平行廣二十餘里有徑路涉高
橋水徑一亭冬春乃通

下...
踰馬鞍山西九亭達元謀縣歷黑箐哨陰翳多淖出箐
至叭蜡哨乾海子林杉森密猴猿扳援不畏人崇山複
嶺間有積雪氣寒冽下馬頭山始平行氣始爽樹多木
棉其高干雲有金剛鑽樹碧幹蝟刺漿殺人土人密種
以當籬落地宜甘蔗芝麻有微瘴虛仁驛在中道今郵
傳俱廢止存板屋二十餘家

元謀北六亭達黃瓜園舊有環州驛今廢歷馬街子龍
海落地皆平原而荒人皆焚夷由龍海落西渡河有苴
林村由苴卻達姚安秦蜀賈人由越建來者由此入迤
西諸郡其地無關察可以通稅

黃瓜北四亭達江邊金沙北渡有三一由賓州渡江至
北勝蕩蕩可通蓋井衛地屬番夷不可行一由大姚縣
魚閣渡至黎溪一即此江水駛奔挽舟里許乃橫舟亂
流而濟江北無居民惟南岸有巡檢司傍而居者百餘
家

按謝在杭氏滇略金沙江一曰若水源出苑牛徽外在麗
北江西東南至於麗江霍慶北勝姚安諸界水濱產金沙
故名山海經曰黑水之間有木名曰若木若水出焉水
經注曰若水南經雲南之遂久縣今金沙江巡簡司是
也又東流合繩水孫水淹水瀘水注於馬湖諸葛亮南

征渡瀘即此處也昔黃帝長子昌意德劣不足紹承大
位降居斯水為諸侯娶蜀山女生顓頊於若水之野是
其地已

渡金沙江北五亭達姜驛初行谷中緣溪而上十里井
火燭山其高三十里峯回路轉陡絕之處翼以木棧至
山巔三里許即姜驛驛久頽圯近署苑屋三四家後有
夷寨羅婺居之昔從克酋叛今雖就縻尚兇悍可畏江
外地皆逼東川七州蜀令不行滇稜莫震中關通道亦
蜂腰之勢也

姜驛北八亭達黎溪站初行三里有石鑄行都司界滇

徼盡此三十五里有松平關松杉叅天其密如椎行松
陰中晝日不絕山產白銅品上者曰白缺可入丹藥
黎溪北七亭而達鳳山營有五里坡險隘多盜七州夷
寨夾路臚馬昔擒克酋於此鳳山營設於山巔下有二
營曰火燒曰觀音聯絡山麓鈴柝相聞寔要地云
鳳山北五亭而夷達會川衛中道曰綠廠有銀州閉久
其岑樓俯視皆平蕪山川明媚

會川西北五亭達大龍站道始嚴行旅千百人結隊而
行營哨之兵前驅每月放行人兩次曰送哨

大龍北六亭至巴松營始溯迤孫水漢志云孫水出臺登

縣南至會無至若水臺登即瀘沽會無即元謀也夾岸
皆崇山羊腸百轉遡流而北高下因山縈曲因水陵谷
間絕者為危橋以渡水蝕山趾石齒狎狎者不得通輪
蹄或行水中夏秋暴漲則道斷山水稍行之地為營哨
環重垣塹深隍為草屋以居戍卒恒有火災水之東為
裸西為番裸屬皆椎髻被毡襦持刀盾番屬居碉房髡
頂挾弓矢剗掠無時掠資貨并縛人入其寨以繩繫兩
趾環以大索重賂以贖不爾則賣之遠夷每一人償以
十牛稍就羈縻者曰熟蠻倍官兵偵捕官給資糧焉
巴松站北六亭達白水歷甸沙關滋泥坎公母營凹腊

營皆隘道人騎貫魚行夷患處處有之而甸沙滋泥為
毒將至白水有金川橋一木橫溪濶三丈許俛瞰水面
百丈如碧瑱宵澄不見其流

白水六亭而達阿庸歷觀音營半站營其橋曰小高橋
河西有德昌所產美材賈人販之一版十金者至江南
可百金又山中產不燼木其物得於山谷石脉中掘深
丈許非石非木堅而且白鑿之綿綿不斷如絮績以為
幌投火不燼名曰火毳漢桓帝時梁冀作火浣布單衣
會賓客行酒酒神異經曰南方有火山長四十里廣四五
里生不燼之木晝夜火燃得烈風不猛暴雨不滅此其

類也將至阿庸有松盤頂枝葉龍從如偃翠蓋因名其地曰一把傘

阿庸北九亭達祿馬山水展拓平疇千畝而人民稀少蕪穢太平河曲為葢井衛陞沙灣黃連堡沙行二十餘里時有颶風揚塵沙蔽天其厲揭而涉者曰橫水河河源有海方廣二十里梁而度者曰大高橋

祿馬北折而東七亭達建昌衛即古邛都阻重山面邛池八部志曰邛河縱廣岸二十里深百餘丈魚長一二丈頭特大暹視如戴鉢釜東南十餘里土官村有徑路由涼山可達水西產馬頸長而身短善升峻阪

建昌東北五亭達禮州所

禮州東北七亭達瀘沽驛一路盡榛莽少烟火寇盜視前更劇曰關王朝曰猫兒坎曰溪隴站曰三道溝曰太灣曰梁甫墳皆桐槽諸番伏莽之地非僞兵不得過瀘沽東五亭達冕山所有瀘沽峽陞崖環水剝削一徑繞山腰如帶仰視壁立干霄俯瞰無際旁有小徑皆桐槽夷賊出入之路峽共長十五里出峽至鉄廠踰通濟橋折而東始脫孫水漸望冕山有奇峯如巫山

冕山北八亭達通相營歷小相公嶺盤幽谷而上可三十里逼近夷巢出沒之途千蹊萬徑列營數十聚兵幾

千猶時有梗塞之患踰嶺冬月多冰槽滑不可步稍失
足即墜深崖雨雪甚必懸車束馬而下險與瀘沽埒行
旅渡瀘沽相嶺則相慶脫險云

通相營三亭達越雋衛有棹楔標南中第一關

越雋北六亭達利濟驛踰青岡嶺迤東行空山中諸夷
環向大創之後稍戢

利濟北八亭達鎮西驛地酷寒無五穀居民皆仰食河
南中有徑路達義眉縣可避大相嶺大渡河亭卒單弱
遂為番夷所據

鎮西北八亭達河南站歷鎮西所有隘道行陰岩中循

水而下其水曰河南溝歷危橋二十餘

河南北六亭達富林營登晒經關關頭有晒經石方濶
五尺餘外澤而中空相傳玄奘歸自西域曝經石上下

關濟大渡河河源出吐蕃急流注下險惡倍於金沙夏
秋之交瘴毒甚厲又有流沙河不可以舟人馬皆涉

富林北八亭達黎州安撫使有大渡河所其城三面依
山臨深谷為隍可數十丈一面通大相公嶺途經古漢
原縣高山有良田千畝有啞泉其出無方人馬飲之輒
死西入天竺茶商行之至打節蘆而止

黎州東北九亭至箐口駟度大相公嶺即邛崃山王陽

所歷九折坡也而嶺名相公蓋以武侯得名西南至黎
州東北至箐口其山乃竟山頂有孔明廟久圯石像存
焉行者過之相戒無譁不爾必有颶風颶雪磚雪瓦傷
人華陽國志曰邛崃一名邛笮故邛人笮人界也岩阻
峻回曲折乃至山上凝冰夏結冬則劇寒有長貧若採
八度之難陽毋閤峻並板名黃泥堡有七縱橋太史楊
慎過之改為七擒橋以孔明將略在擒不在縱也有詩
鑄石碑在川主廟前今碑已斷仆道左

箐口三亭達榮經縣川主廟為孔明初擒孟獲處
自雲南至榮經縣一千八百六十里為建越路

元謀在滇西鄙自姚楚入則徑自滇上入則迂故武
善侯渡瀘取道白崖萬歲南伐轉戰勃弄 本朝建會
城于善闡以西偏為屬縣郵傳商旅未有不經會城
者茲路雖設僅有空名環州姜驛郵卒無委積之供
大渡金沙津吏闕沙隄之築遂謂游邛都者皆迴車
過瀘沽者必微服其寔火燄以北盡率江潯祿馬禮
州原可走輪兩嶺非有關索之峻兩津非加槃河之
惡也東西不靖茲寔上游謂宜招集驍勇補營堡之
單弱剗削嶮阻開道路之鬱紆又禮州德昌盈盈一
水順流數日可達金沙皆當乘時開通永利百世况

茲荒徼番獮跳梁闢通道於中則盤錯之險盡失而
金銀丹漆燹僅犴馬之屬絡繹於雅黎嘉眉之間非
惟滇賴蜀亦利焉若任其幽阻罔思後圖恐滇道一
斷而五衛失輔車之依蜀且患鞭長之莫及矣

粵西路考

由雲南治城金馬之南歷狗街至大漁村為呈貢境遵
滇池東岸梁王山麓至馬軍鋪為歸化境又二亭連普
寧州可九亭而夷

普寧東南循松子山澗行路濱谿水峯巒如列戟至河
澗鋪登索關嶺西瞰滇池東觀激水為迤東陀塞漸下

至茨桐鋪踰石關達江川縣九亭

江川東循星雲湖上行有海門橋撫仙星雲之通津也
度橋而南過甸苴關踰二山皆寧州地又循祀麓湖上
行至通海縣號七亭寔六亭而夷

通海南至曲江驛江有流沙甚深策馬亂流可濟稍駐
足有陷者秋水突至即為巨澤舊有渡舟恒苦漂溺巡
按御史沈正隆捐俸建橋三成沙走無着力處窮人力
掘沙見土而後甃以巨石首尾三年乃落成之號八亭
寔九亭而畸

曲江南至臨安府氣漸炎夷險皆半可九亭

天下郡國利病書 卷一百八 雲南 二
臨安東南歷漾田安邊哨有三轉灣坡多盜坡竟至阿
迷州通十二亭

阿迷東踰橋至東山關有崇山躋山必窮日力乃至山
山巔為馬者哨土酋普氏據其地重柵守之居者百餘
家夷多於漢可四亭而崎自阿迷東入夷巢無亭微止
宿天明行至日中而稅多野處

馬者東歷矣馬驛至多梳鋪六亭羅夷居之去多梳里
許有石洞幽邃泉水出焉水清冷流石成渠有淙淙聲
居人以菱甕負水出諸洞二三月間流涸汲者窮其源
或深入數里

多梳鋪東南歷木瓜鋪永寧哨至羅台駟四亭矣馬羅
台舊有驛今俱廢驛記藏之廣西府地俱為普氏夷寨
襟以四方流移漢人數家踰山有架衣莊產堅甲木瓜
鋪綿芋可百里西北枕山而蒞者為新城所地高乾無
可種蒔其產木棉馬金囊

羅台驛踰山而南經倒馬坎林深磴險谿徑襟出昔有
普者輅者為夷賊巨魁荼毒行旅今就擒其地隸普氏
而沙儂混處夷患時有普氏設哨守之夾路多松土人
劈為木片以代瓦大風雨則不能禦至隴希寨共亭
隴希南至新哨儂普二氏分疆之所嘗為拇撲所焚有

旁徑滋寇共六亭至彌勒灣山稍平夷一望沙磧皆戰
場彊理隸彌勒州以漢官久不至儂氏斥境至此而又
遠不能制水下陸詔沙普諸酋互爭之戎馬紛沓居民
望風逃匿無寧日矣

彌勒灣東踰山有竹子菁荆棘叢生莽有伏戎過楊屋
戈勒襪舍三寨臨俺排江循西岸而進江出兩山中瘴
毒不可邇清明後為酷觸之無治者江東有大八百小
八百二寨皆儂氏屬夷至俺排寨有公署建於寨之下
誅茅為屋六楹環以木柵共計八亭而遇自公署度板
橋絕江循東岸歷草雷寨馬鞍山六郎者莫至者豹公

署號八亭寔六亭

者豹東南歷小者馬寨有徑路通季達賊又南歷省芽
者兔羅幹速徵皆有溪流沃田耕省而獲多路出田中
共六亭至速為寨舊有速為驛今廢

速為東南歷毋忙寨至木鍤下有公署上有儂夷寨數
十餘家路坦夷可四亭

木鍤南歷那竜那堵者圖大者馬有高山深林四亭至
廣南府夷漢襍處可十餘舍居民皆棲居以竹為椽柱
覆以松皮去地三四尺人居其上畜溷于下中設地爐
懸稻穗于上薰令極乾每日舂而食編竹籠若魚留罟

累數十置西南隅以祀鬼甘犬鼠非上賓不設萬曆末
年儂氏兄弟爭立糾交趾入犯兵燹之餘居民皆草創
田野蕪蕪未復業焉有楊廣廟昔狄青部將楊文廣追
儂智高至此土人立廟祀之在沿西三里許

廣南南至寶月關連山皆峭壁不可通惟此鑿石通道
儂氏設關其上嚴啟閉踰關至公署可五亭

寶月關公署南經可王寨至西洋江五亭有崇山峙江
岸江之淺者可揭而涉為廣南富州界廣南之夷曰儂
人富州之夷曰沙人氣類畧同而沙視儂為勁渡西洋
江有崇坡躋坡至羅貢箐寇盜叢箐林中南往者必索

西洋兵北來者必索富州兵為導富酋李氏與儂氏構
隙兵不越境或伐巨木橫箐中以絕往來兩氏禍未嘗
則羅貢道斷或取道歸朝焉出箐至羅貢寨共四亭
羅貢南歷沙斗位來踰山上下可十里至布戛寨共四
亭

布戛南五亭至富州居民千餘家習氣類廣南酋沈明
通孱弱不振州治為其下李天保所據明通出奔歸朝
天保內修兵甲外結交趾傲睨歸朝廣南歸順間稱勅
敵焉

富州東南三亭至板崙田疇廣沃人民殷富寔荒徼奧

區有公署灾于火

板崙東三亭至納桑寨公署去寨二里許

納桑南入納桑箐地隸廣西鎮安州寔滇粵甌脫地箐林類羅貢而嶮巖過之荏苒取人多扼于險出箐至鎮安州四亭民居多依峭壁構竹樓覆以黃茅為團倉以困穀參差茅舍間徑路僅容一人其下皆腴田行人野宿田中侵晨啟行寨夷必焚其藉草以辟鬼州南有交趾寨莫氏以官監之鎮安酋長岑氏半服役焉每年納粘襪數十領以當賦稅

鎮安東行川原中原窮登嶺南入苟把箐共長三十里

林莽倍密寔交粵棄地夷寇之來莫知其踪行者以土兵夾衛出箐為箐口寨共六亭寨隸歸順居民稍就平原

箐口東踰嶺下至苟把寨有照陽關石壁峭立半壁有石洞穴山而過路出其中可十畝關西望朝曦出自洞中故日照陽上下有石隘磴石峻嶒碍車馬稅輓杙解鞍韉乃躋入關至安得寨共四亭

安得東歷打爛箐草棘亂生木多桂竹多棕有山呼鳥鳴林中谷響相答自此多石山拔地突起山環若城中有平疇者曰硎路出其中出入之所皆有石隘良田美

池一年耕獲嘗足支二三年伐竹構居績綿為布居民
 有老死不踰碕如避秦人者見車馬絡繹聞華人言皆
 聚觀驚吃男子能華言巾褲短衣皮屨婦人椎髻跣足
 長裙其碕曰打濫曰平岩曰細村自安得至細村駟
 細村東歷六碕那馱至歸順州六亭有石山三峯奇峭
 如蘓氏木假山地氣溫暖草木四時常青土酋尚禮法
 馭下以嚴閭境無盜商賈湊集如中州烏州治北有險
 砦下有徑一日而達交趾高平府
 歸順東有河渡輿梁一徒杠二歷花碕至霸龍壩六亭
 而遇有石隘三

霸龍東歷湖運關有河出交趾達左江湍瀉石中不可

以舟循河行有上雷州在河之右下雷州在河之左厲
 揭而涉者一徒杠而渡者二其地陰凝陽泄明發寒氣
 浸人亭午即炎炎如坐炊氍隆冬猶汗浹背其人皮冠
 而絺衣詢之云暖其首則諸疾不作氣使然耳稻田兩
 熟竹有刺可作籬落自霸龍至下雷州六亭

下雷州六亭有高山公署行旅止宿苦無水踰石隘有
 三脚村茅屋數家皆兇狠不能華言

三脚村東歷石隘四五處倍高險六亭而達龍英州環
 州石峯削而銳如笄刺地而出酋所居背負一峯高出

諸峯之上

龍英東有關為太平州界其地去交趾僅二亭漸上高岡下至聳洞六亭

聳洞東過養利州盡日行洞中平行可方軌樹生石上根蜿蜒入于石四亭而遇至七村

七村至左州三亭始有城郭民始平居華言州枕左江舟行十日而達南寧

左江東達馱蘆四亭

馱蘆東亂左江至新寧州四亭

新寧東至牛岡六亭

牛岡至南寧府再亂左江五亭而遇

由雲南沿城東歷水海子黃土坡七旬至湯池九亭湯池歷老大坡宜良縣一碗水土官哨白山屯至路南州八亭而崎有陳家渡水出陸涼州達寧州

路南東南歷板橋屯小色朵大色朵林馬洞至發矣哨七亭有草泥巡簡司母伏矣哨多石

發矣哨東南歷馬矣哨龍舖六豐上馬州至彌勒州八亭

彌勒東南歷彌南哨橫水塘青水哨石子哨矣勒新村習於中哨龍潭芭蕉村至竹園村七亭其途坦平可通

輪

竹園村東南歷石牛坡拖正舊哨新哨至江邊共八亭
江濶六十餘丈水通曲靖府阿撞橋岸有坡崎嶇地隸
土酋普世隆其江止于大百戶波江上坡亦哨嶇歷大
百戶有普世隆寨又歷懷遠哨至阿小寨隸普國禎山
後有砦共八亭

阿小寨東南歷卜洪寨大勒八到二哨矣堵村至三鄉
城九亭

三鄉歷歸德哨至彌勒灣七亭由彌勒灣會於廣南
由彌勒州入廣西府歷龍甸村吉雙鄉矣明村阿平阿

朝郎歪鴉迤至龍得哨七亭龍甸村有龍甸橋矣明村
有草子山

龍得村東南歷小寨小江橋大江渡象鼻嶺沙人寨布
榮寨矣夷寨石頭寨小河至密勒勒九亭自廣西府至
江邊道路新闢可通輿馬江外皆土舍昂氏地密勒勒
有昂氏砦

密勒勒東南歷大黑布沼小黑布沼八倒哨矣堵哨山
白村至三鄉城三亭昂氏地止於小黑布沼八倒山趾
有水田有馬者龍鄉矣堵有阿寧鄉龍騰宿寨山白村
有大勒哨山草海子皆平行三鄉北達交水南入廣南

寔東偏名區土酋阿机負固叛官兵盪之以廣西府經
歷鎮其地漢官畏瘴毒不敢入酋長龍騰宿普國祥革
構兵如亂繩焉自三鄉縣會密勒灣入廣南路

由寶月關東分歧至阿用密七亭

阿用寨東循西洋江至老太莊七亭

老太莊東歷打魚莊入富州界過板洲寨度西洋江沿
江道迤崖峻山後有那齊寨寔盜藪共九亭至花甲硎
地界有野處之所又九亭至耿牙寨去花甲硎二亭花
甲有硎官羅氏服役廣南富州之間
耿牙東至高山公館八亭

高山東至東坡七亭有野處之所

東坡東至歸朝七亭富州酋沈氏居焉其地負崇山面
河寨夷千餘家沙徭兼有之遠望有雲氣如絮罩其上
炎熱多瘴

歸朝東七亭至架村

架村東歷莫村昔為交趾偽王莫氏地歸朝酋新得之
盡日行箐中十亭而達鎮安州

由富州有徑路東南二日可達歸朝亭里未詳

由歸朝有徑路東西四日可達歸順州道里未詳

由歸朝東至四亭地名六亭

四亭地名東至者散四亭

者散東至者令四亭

者令東至博隘三亭博隘有大江舟行達田州四日又八日而達南寧府

由廣南府東歷鋪兵村弄董抵弄魯下賽利十二日而達田州道由泗城州有土酋岑天章與父紹勛搆兵東行者皆閉泗城

自雲南由臨安彌勒灣廣南富州歸順至南寧府二千一百二十里由宜良彌勒三鄉至彌勒灣七百二十七里由彌勒州廣西府至三鄉縣一百九十

五里由寶月關歸朝至鎮安七百一十里并歸朝至博隘廣南至泗城田州通為廣南路

昔兩路之通也仕宦商賈間出廣南其人聞華言則相視而笑遺以食鹽檳榔金絲烟喜出過望以米薪豚酒酬焉行旅野宿無盜賊之虞頃歲滇粵往來者踵相接有亡命竄其中導之初以數人持刀盾伏于箐伺行者謀而出行者大駭奔去委二麓于地發之皆兼金也其後每劫必大獲有聚數百人要於路者羅貢狗祀納桑為淵藪諸酋中歸順最賢北來皆索其兵而其下必索重賄乃呵護出疆鎮安酋苛求無

厭而仕宦為甚拂其欲無得免者行旅以廣南為畏途矣噫諸夷混沌也重利以啟之奸人以誘之竅之不鑿者鮮矣豈特廣南一路為然哉

由雲南東至宜良縣十二亭途經湯池有老大坡

宜良東至天生關七亭關石有天生橋寬平丈餘可容車馬

天生關東至趙誇四亭

趙誇東至師宗州九亭路出夷峇中時有剽奪之患

師宗東至羅平州九亭

羅平東至三板橋六亭

三板橋東至江頭七亭

江頭東至黃草埧八亭地寔黔壤昔普安陷于賊州民群聚於此廬焉

黃草埧東至鄭屯八亭有江寨裳可渡

鄭屯東至棲草四亭

棲草東至安籠所四亭安籠地隸粵西粵師援黔道出此關路寬行止宿之所有公署今廢

安籠所東至板屯六亭

板屯東至壩棲四亭過江有舟可渡自安籠至此沿江多瘴峻嶺隘道夷寇出沒無所又三日至安籠司

安籠司東至芭蕉關四亭關隘峻阨諸夷之吭
芭蕉關東至潞程九亭自此至田州道俱坦夷

潞程東至王店九亭

王店東至歸樂九亭界泗城田州有夷患

歸樂東至榮莊九亭

榮莊東至田州九亭州臨右江舟行八日而至南寧

田州東至舊州九亭

舊州東至上林縣五亭

上林縣東至果化縣五亭

果化縣東至隆安縣五亭

隆安縣東至大灘驛十二亭

大灘驛東至南寧府六亭

南寧府所北九十里至羊場軍屯歷魯溝山箐

由羊腸軍屯歷密上灰渣軍屯至水橋軍屯四十里水

橋隸貴州安南衛

水橋歷播者過普渡河孕渡寨行山箐中六十里至羅
運

羅運有小箐五十里至打罕舊為永寧州沼其地酷寒
土人呼為胆寒訛為打罕

按鄭旻牂牁江解畧曰余弭節度槃江江廣百餘步

沿江上下絕擊汰之迹水勢批岩潑泊土人謂水漲時漂篋撞舟峭壁箐嵐人跡罕入下流至打罕聯泗城界舟船始通焉則打罕當在查城安南之南第云舟船可通其視田州博隘放流更捷矣然迄無行者豈劇夷未加嬰箴盤剝為苦乎抑夷獠塔厥不欲漢人出其地故葦蕪難闢乎姑記之以俟知者

打罕五十里至羅架有小箐有泗城頭目居此

羅架五十里至火烘舊鎮寧州治此今泗城銀寧分屬焉其地炎多瘴

火烘歷高補籠寨有寨夷為盜行者必以火烘兵衛導

又歷猪腸坭為安順十三枝地無安屬夷寇寔多共三十五里至康佐長官司扁担關為土酋余騰龍地全黔叛惟騰龍効順關此路通滇

扁担關歷長冲密上接土酋薛氏境由高磨堡石堡軍屯普定伍官屯至平坭五十五里其地軍屯衛士皆叅將范邦雄揖之雄有勇略為水酋所憚諸屯賴保聚

自湯池由羅平黃草坭安籠所至南寧府一千六百九十里自安籠所分歧至平坭衛連東路三百三十里通為羅平路

漢番禺今唐蒙風曉南粵南粵食蒙枸醬詢之蜀賈

人知夜即臨牂牁江江廣數百步足以行舟南粵以財
物役屬夜即西至桐師遂上書欲發夜即兵浮牂牁
江出其不意以制粵今按牂牁郡屬縣至句畦卧漏
則羅平黃草大畧皆夜即地所云浮船至粵非即博
隘田州之間乎田酋殺父妻母祖喜獸鬪殺人如芟
草芥行旅逢其怒多罹害又安籠以東有行竟日無
水多至數十人則無米可易者是以出其途者鮮少
或識其道里而山川闕焉然視廣南則徑矣火烘打
罕故為二州漢官不蒞其地僑寓二衛諸酋雜處頃
歲繫江東西盡叛惟余酋効順滇黔借徑通聲息始

識此路因併志之

水路

金沙江考 附圖

江源出吐蕃共龍川東至巨津寶山三面環麗江至雀
慶受漾共江諸水又東經北勝受桑園龍潭程海諸水
又東經姚安受蜻蛉大姚龍蛟諸水又東經楚雄定遠
縣受龍川諸江水又東至武定元謀縣受苴寧河又東
至祿勸州受滇池海口青魚塘甸基武七三泊始甸螳
川後甸松坪祿表兩龍羅次石門五道河羅畝大石琪
富民赤舊普渡河廣翅塘諸水又東經會禮州受寧遠

越溪雙橋長河瀘沽打冲東河熱地諸水又東經東州
濟廬部過烏欏山受尋甸牛欄江壁谷川齒化溪諸水
又東經烏蒙南又東經馬湖受泥溪大小紋溪諸水又
東至叙州府入于江前僉事王惟賢議自雲南海口關
至安寧羅永富民只舊你草連古普渡安草法法草干
土色江邊納木姑共十三程內土草有疊水自武定金
沙江巡簡司至馬喇母白馬口燦喇則五曲草直勤則
卓刺除魯圭寧折荅甸沙吉撒麻村至土色大河阿納
木姑凡十四處內則卓沙吉有疊水近莊按察司祖誥
議自巡檢司關由白馬口歷普隆紅岩石喇鮓至廣翅

塘皆祿勸州地其下有三灘水溢沒石乃可放舟涸則
躋岸纜空舟以行又歷直勒村罵喇土色皆會禮州地
其下有雞心石石如堆者三壘江中舟者相水勢緩急
可行又歷踏照亂得頭峽喇鮓至粉壁灘甚駛皆東川
地又歷驛馬河新灘至虎跳灘陰溝洞皆巧家地虎跳
湍瀉陡石不可容舟陰溝二山頽集水行山腹中皆從
陸過灘易舟而下又歷大小流灘為蠻夷司地又歷黃
郎木舖貴溪寨業灘至南江口為烏蒙府地始安流自
廣翅塘至南江木商行之可十日又至文溪鉄索江邊
數灘歷麻柳灣教化岩為馬湖府地又歷拽攤蓮花三

灘會溪石角灘至叙州府

按金沙經營滇北合江漢朝宗為南國紀昔在草昧
尼落雄睨南土憑恃斯險負固抗衡今車書大同極
滇西鄙遠及窮髮輟迹俱遍而其通道要津反棄之
以與烏蠻巧色俾茲蟠踞非所以弘一統也考之紀
載漢武先擊勞浸靡莫以兵臨滇池而偽王俯首華
陽國志云自焚道至朱提有水道步道水道有黑水
及羊官水至險難行步道度三津亦艱阻而行人為
之謠曰槽溪赤水盤蛇七曲盤羊烏櫛勢與天通今
烏櫛在東川即絳雲攻其山多雪四時不消金沙繞

出其下羊官黑水非指茲江乎元至元十四年詔開

烏蒙道愛魯帥師擊五連州所過城砦盡下之水陸
皆置驛傳今烏蒙有羅佐閔其下有羅佐橋為入滇
要路則水陸皆在東川烏蒙間即所稱勞浸靡莫非
乎曩形勢商利銳鈍未有不先闢此險而能控荒服破
砦窳者壅塞磯怒漩狀瀑瀉地之險也畫州啟道崇
伯子之智可師也陰陽詞說盜弄兵甲人之險也三
表五餌懷王傳之略可仿也茲江苟通則田池之輕
舸可挽而之普渡建越之艤艦可迅而下瀘沽通滇
蜀筋脉之會續長江衣帶之勢是使諸夷不長纓而

繫十五郡可裹領而挈也大哉 高皇帝之言曰關
索嶺非正路正路當在西北猶之遠矣


金沙江摠圖

卷一百八 三十五

引



南



上色

罵喇莫灘

直勒村

東川地方

四川益井石灘

雞心石

踏熊灘

亂得灘

頭洪灘

喇蘇三灘


粉壁石

北

卷一百八

三十六

元謀縣



和曲地方

金沙江渡口過江

白馬口

祿勸地方

過江陸路四十里至姜驛

四川黎溪地方

普隆地方


四川通安州

唐翅骨木灘

會理州

會理地方


三十五



蠻夷司地方漢夷
同居此處太平

卷一百八

三十七



張機南金沙江源流考

按大金沙江發源崑崙山西北吐蕃地即夏禹所導黑水也雖與雲南小金沙江及瀾滄潞江皆發源吐蕃然大金沙江之源較三江最荒遠且其源于三江源邈不相近其下流亦十倍小金沙江及瀾滄潞三江之水按禹貢華陽黑水惟梁州黑水西河惟雍州周文安辨疑錄云甘肅志甘州之西十里有黑水流入居延海肅州之西北有黑水東流荒遠莫窮所之是其源入雍州之西流入梁州之西南其正西別流遠西極之外而無所據見地勢西北最高故能經西而西南也雲南志載金沙

江出西番流至緬甸其廣五里徑趨南海得非黑水源
出張掖流入南海者乎河源在中州西南直四川馬湖
蠻邦之正西三千餘里雲南麗江宣撫司之西北一千
五百餘里愚觀黃河源近雲南地則大金沙江源自番
雍之地南入緬海論雍梁間水惟此大耳此水為黑水
無足辨矣朱子云天下有三大水曰黃河曰長江曰鴨
綠江此語無怪也宋初斧畫雲南南渡又偏安一隅朱
子又從何知有此江之長廣于江河哉黃真元又云考
大金沙江瀾潞三水雖皆入南海大小遠近迥不同瀾
僅潞四分之一大金沙三倍于瀾潞瀾潞所出地名在

鹿石山在雍望俱可窮源上流亦狹大金沙江之源則
遠出番域上流亦濶澄若重溟黝然深碧夏秋漲溢江
色不變若比於楊子滄浪一小溪即詩語大金沙江之
長度又可知矣其註云傍多松有琥珀自孟養地來孟
養正在金沙江之濱今瀾滄不聞有琥珀大理志指瀾
滄為黑水亦不深改耳相傳大金沙江上源近大宛國
自理麻茶山至孟養極北不聞有所往號赤髮野人境
峭壁不可梯繩弱水不任舟楫土人惟遠見川外隱隱
有人馬形殆似西羌之域也今姑略其源惟自其經流
支流入海可見者言之水流至孟養陸阻地有二大水

自西北來一名大居江或云大車江一名檳榔江二水至此合流又名大盈江今騰越舟人抵甸內諸水亦曰大盈江殆竊移其居也江流至此夷人方名其為金沙江江中產綠玉黃金鈿子金精石墨玉水晶間亦出白玉濱江山下出琥珀舊志以琥珀綠玉出在瀾滄江者謬矣昔年王靖遠蔣定西追麓川叛賊思機發思卜發弟兄造船飛渡孟養復及與思祿盟誓江乾石爛乃許其過江者皆此江也滇人相傳名大金沙江若以別麗江北勝武定馬湖之小金沙江耳自此南流經官猛莫嗽莫郎至猛掌有一江西來入大金沙江又南下昔朴

怕鮓猛莫猛郊經蠻莫有一江源自騰越大盈經鎮夷南甸千崖受展西茶山古湧諸水伏流南牙山麓出經蠻莫入大金沙江江又經蠻法魯勒猛拱遮鰲管屯大葛蒲山峽小葛蒲山峽課馬孟養怕萌山峽戶董鬼哭山戛撒昔年緬人攻孟養以船運兵餉到戛撒為孟養所敗者此江也正統中蔣雄率兵追思機發為緬人所壓殺于江中亦此江也大約江自蠻莫以上山踈水陡正統中郭登自貢章順流不十日至緬甸者亦此江也下流經温板有一江源自騰越龍川江經界尾高黎共山隴川猛乃猛密所部莫勒江至太公城江頭城入于

金沙江下流又經猛吉準古温板又名温板江温板又名流沙河相傳唐僧取經過此渡故名皆金沙江也猛戛馬噠喇至江頭城江中有大山極秀聳山上大寺又有一江源自猛辨洗母戛南來入大金沙江又經止郎龍大馬草底馬撒躋馬入南海其江至蠻以下地勢平行江濶可十五里餘舊志云五里者非也經南江益寬流益慢緬人善舟又善泅水操櫓楫者如涉平地至是江海之水瀦為一色矣文選載佛經云拔提河一名金沙池脫履金沙云云金沙江亦名拔提河矣今再附考蒙化府志瀾滄江與漾漠江蒙人謂之大小二江合西洱河勝溝河至順蒙交界處土人謂之羅擦聚日出水光蕩射可觀不二十餘日至錦龍江即水下流海客多舟會易於此漸漸至南海永昌府志潞江一名怒江水經注云漏江楊慎云漏江今訛為潞江源出吐蕃流經芒市至木邦地名喳哩江又流經八百車里地至擺古東入南海自木邦以來即可通舟楫昔年隴水多士寧前往擺古見莽瑞體皆由此江順流而下也舊傳潞江流至洪門車里沙磧浸散與近騰越志以為入大金沙江皆非是愚嘗謂三江皆可舟可航夷人欲據險隱塞不使通行豈知天地設此三江正為本朝制馭西南

緬甸諸夷設當事者誠不可忽而不講求也異日聖天子問緬甸諸夷久不朝貢之罪則此三江者固漢家橋船下番禺出奇制粵之牂牁江也

前人北金沙江源流考

按金沙江源出吐蕃共龍川犁牛石下謂之犁牛河又名犁水訛犁為麗又名麗江即古名麗水蓋以其江內產黃金故名金沙江元憲宗取大理用草囊為楫以濟金沙江者即此江也其流經吐蕃鉄城橋東經麗江府巨津寶山二州又東經霍慶府北勝州姚安府又自武定府北界經黎溪州蒙氏僭封為四瀆之一亦即此江

也又自武定下流入濟慮部夷人鑿桐槽船以通往來行旅遂又名金沙渡又西過四川東川府一名黑水一名納夷然皆金沙別名又經四川行都司會川建昌德昌打衝等衛所又經烏蒙府又經馬湖府蠻夷長官司與馬湖江相合下流至于叙州入岷江矣今自其支流者言之大理賓川大江北入金沙江霍慶漾共江東南至龍珠山入石穴伏流復出金沙江三莊河與漾共江會流入金沙江北勝州桑園河經州西南桑園村下流入金沙江龍潭泉有九眼下流入金沙江程湖南入金沙江姚安府青蛉河西經大姚縣東入金沙江龍蛟江

一名苴泡江合姚州連場香水二河入于金沙江安寧
州螳螂川即滇池所洩下流濛迴川治上過昆陽州下
經富民縣入金沙江楚雄府龍川江西合諸水為峨碌
州又東合諸水經定遠縣黑鹽井下流入金沙江考安
寧楚雄二水雖小皆可通舟楫武定府西溪河經楚雄
府至元謀縣西入金沙江又勒夷水普渡河俱入金沙
江以上皆雲南之水朝宗于東海順流于中國者四川
東川府牛欄江源出尋甸府入金沙江辟谷川源出尋
甸府白津河西入金沙江越雋衛大渡河源出吐蕃下
流合馬湖江四川行都司寧遠河西南合瀘水入金沙

江懷遠河南合瀘水入金沙江鹽井衛越溪河東合打
冲河入金沙江雙橋河流經打冲河入金沙江會川衛
瀘沽河河出小相公嶺入金沙江打冲河千戶所打冲
河蠻名黑惠江又名納夷江源出吐蕃下流入金沙江
見橋千戶所東河源出小相公嶺會瀘沽河入金沙江
四川行都司南瀘水源出吐蕃南入金沙江元史云水
源廣而多瘴鮮有行者春夏常熱可燂雞豚諸葛武侯
五月渡瀘即此水也元李景山云益州記水經俱以瀘
水在永昌不韋縣寨宇記以為在雋州會川縣景因出
使越雋攷瀘水源蓋建昌瀘川駟有孟獲城又有瀘沽

州孔明渡瀘由雋州入益即滇池此名渡瀘為有驗今
水出吐蕃過建昌會川合金沙江夾岸多高岩叢葦故
下渡如經甌釜炎蒸雍鬱多感瘴癘至今猶然或以金
沙江即瀘水誤矣雲南之水迤東可通中國者如雲南
府大城江自陽宗明湖經宜良入盤江臨安之瀘江曲
江婆子江入盤江澂江府之巴盤江鉄赤河入盤江廣
西府之八甸溪入盤江盤江至府境水為大曲靖府之
瀟湘江白石江合盤江經交水至彌勒入平伐橫山寨
下經廣西靜江入于海廣南府西洋江入廣西田州府
右江南汪溪亦入右江尋甸府阿交合溪入霑益州界

北經理廣西田州水陸者安可忽之哉如大理府西洱
河下與漾脩江合流入瀾滄江漾脩亦名神莊江瀾滄
江源出吐蕃自西而南至于麗江蘭州雲龍過永昌楚
雄臨安車里大甸七十城門至交趾入海趙州白崖賧
江一名赤水江下流至定邊名禮社江合瀾滄江臨安
府西有禮社江入納樓茶甸界為祿豐江經合蒙自為
梨花江注於交趾清水江楚雄府馬龍江源自蒙化境
由定邊磔嘉合白崖賧江南入元江景東瀾滄江大河
源出定邊入馬龍江景東府杉木江馬湧江合南浪江
入威遠州界永寧府羅易江北過府境勒汲河入四川

鹽井衛界順寧府脩溪江西洱漾潯二水合流至本府
鉄場山下入瀾滄江故名元江府禮社江一名元江源
出白崖賧江合瀾滄江諸水入交趾新化州摩沙勒江
即禮社江下流至元江入交趾者樂甸長官景東河其
源出景東經本甸下入馬龍江北勝州羅易江入永寧
府白角河入西番界永昌府瀾滄江銀龍江入瀾滄江
勝脩河入脩溪江路江一名怒江經芒市木邦八百下
流為喳哩江經擺古入南海檳榔江入吐蕃遠金齒百
夷經干崖阿昔下合大車江至江頭城騰越大盈江一
名大車入南甸為小梁河至干崖為安樂河西流為檳

榔江龍川江下流至緬甸太公城合大盈江雲南府安
寧河出安寧經富民羅次為沙摩溪至祿豐為大溪至
易門為九渡河入元河又星宿河出武定經祿豐過易
門入元江蒙化府陽江出郡西北甸頭花判澗南至甸
尾過定邊與迷川禮社江相合過元江入海瀾滄江與
漾潯江蒙人謂之大小二江至順蒙交界處土人謂之
羅擦聚二水相交日出水光蕩射可觀不二十餘日至
錦龍江一名九龍船行會海客於此漸至南海愚謂雲
南通緬甸諸夷水路舊惟知有金沙江可通大舟不知
潞江喳哩一派可通擺古瀾滄銀龍一派可通八百交

附及之

升菴集

孔明出師表五月渡瀘今以為瀘州非也瀘州古之江陽瀘水而乃今之金沙江即黑水也其水色黑故以瀘名之耳沈黎古志孔明南征由今黎州路黎州四百餘里至兩林蠻自兩林南琵琶部三程至雋州十程至瀘水瀘水四程至美棟即姚州也今之金沙江在滇蜀之交一在武定府元江驛一在姚安之左卻據沈黎志孔明所渡即是今之左卻也琵琶一作風琶兩林今之邛

部長官司也

楊士雲議開金沙江書

按志金沙江古名麗水源出吐蕃界共龍川黎牛石下
名犁水訛犁為麗東經巨津寶山二州三面環麗江府
東經雅慶受漾共江諸水又東經姚安府受靖蛉大姚
龍蛟諸水又東經武定府受元謀西溪諸水又受滇池
螳螂諸水又東經東川府西入滴瀘部受尋甸牛欄谷
壁哨噶化諸水又東經烏蒙南又東經益井建昌會川
越嶲諸衛合瀘水受懷遠宜遠越淇雙橋長河瀘湘大
洞魚洞羅羅打冲東河熱池諸^冰又東至馬湖府受泥^水
淇大小汶諸水又東至叙州府受大江此南中西北之

險蒙氏僭稱北瀆者也按史漢武帝遣馳義侯開越雋
郡尋遣郭昌等開益州郡諸葛武侯渡瀘南征斬雍闓
擒孟獲遂平四郡定滇池皆先奪此險始通西南諸夷
歷晉迄隋通壅靡常至唐蒙氏世為邊患至酋龍極矣
屢寇黎雅一破黔中四盜西川皆由據此險也遂基南
詔亡唐之禍宋太祖鑒此以玉斧畫大渡河曰此外非
吾有棄此險也遂成鄭趙楊段氏二百餘年之僭元世
祖乘草囊及筏渡江進薄大理擄段智興破此險也遂
平西南之夷 國初梁王拒命我 太祖高皇帝命將
征討神機廟笑志出 聖裁諭穎川侯等曰闕索嶺路

本非正道正道又在西北蓋謂此也班固謂皆恃其險
乍臣乍驕范曄謂馮深阻峭紆徐歧道宋祁謂喪牛于
易患生無備誠確論也夫雲南四大水惟金沙江合江
漢朝宗於海為南國紀天設地造本為天下用也歷代
乃棄諸酋夷資其桀驁雖建立城戍僅僅自守時或隔
沒豈知天有宿渡地有經水人有脉絡禹貢于每州末
必曰浮某水達某水入某水逾某水蓋紀貢道達帝都
著天下大勢以水為經紀也孰謂滔滔大川可浮可達
反舍而陸乃北至永寧東至鎮遠不亦勞乎禹外薄四
海各迪有功夫一勞久逸暫費永寧執事之議詳矣為

天下圖經補遺 卷之二十一
國家慮深且遠矣所謂計費各賞責効讒言斯固古今之恒態不能成天下之事者也然英傑見同必有繹之者績神禹疏鑿之績恢四海會同之風息東西兩路之肩拊滇雲百蠻之背昔為絕險與區今為掌中腹裏皇大一統無外之治億萬年無疆之休寔在于此凡有識者咸日望之庶幾見之惟執事留意幸甚

毛鳳詔疏通邊方河道議

竊照雲南地方有水路直抵四川馬湖府初以遐僻為禹跡所不到遂為土人所據至我國家始郡縣其地同于華夏然貢獻之物損官使之行李軍民商賈之物

貨擔負萬里筋力已疲而土官土舍因見道路阻絕每懷異志及今國勢強盛不行開通將來之悔不敢謂無也本道訪據武定府揭帖內開本府有迤東通四川水路自雲南海口至安寧羅末富民只舊你草達吉普渡河安華法千土色至大江俱本省地方大江至四川東川地方大江邊阿納木姑共一十三站內土色有疊水又有迤西通四川水路自雲南陸路至富民武定虛仁環州至金沙江巡簡司凡五站本司金沙江水路下船至罵刺母白馬口燦刺則五曲草直勒則卓刺除魯圭寧抄荅甸沙吉撒麻村亦至土色大江阿納木姑凡一

十四站內則卓沙吉有疊水等情又據金沙江巡簡司
應襲巡簡土舍李朝宣稟帖內開金沙江上至麗江瀾
滄至姚安府武定府下至東川烏蒙芒部上江弘治正
德間馬湖府安監生放杉板嘉靖十七年王萬安亦放
杉板俱係拖稍五板大船經過或十餘隻或八九隻建
昌行都司奉 欽取大木寧番越雋益井建昌等五衛
俱在上江打冲和三江口并德昌千戶所地方或割簿
或散放會川衛在下江科州採砍查審開江船行若問
灘水險阻魯開虎跳灘天生橋十分不為險阻等情又
審據本府姜驛驛丞梁松稟稱本驛設在金沙江巡簡

司之西過江五十里與四川會川衛抵界每見客人採
販木割成簿筏自本司江流而晝夜六日即抵馬湖隨
簿下船或一二十隻裝載糧食有養猪畜客人跳簿擲
船如履平地離本司江下五六十里有大小虎跳灘俱
是金沙江至冬春水落之際可以施功開鑿等情又據
本府揭帖內開據稱經過建昌客人何松執稱建昌衛
下德昌守禦千戶所洗迷村伐木下江頭一程至白水
站一程至會川衛管下甸沙關甸沙關一程至梅易千
戶所三程至武定府和曲州金沙江等情隨喚何松亦
稱馬湖建昌等處客人採取大小板枋俱是德昌下河

從金沙江巡簡司經過直至馬湖叙州令伊圖畫各到
道為照前項河道武定迤東極為捷徑且甚便益但訪
得河內間有蠻興石兩邊崖石生合成橋水從石縫流
下未委虛的若迤西金沙江則水面洪濶四時橫流客
商通販前後不絕中間雖有虎跳二灘然皆沙石易鑿
此則斷然可通而無疑者也先年巡撫都御史黃衷曾
議開修取金沙江巡簡司曠愛招集馬湖橫江客人俱
到布政司舉行間以陞遷中止近年巡撫都御史汪文
盛亦曾委官踏勘以征南中止事功之會人咸惜之合
無批行提司會同布都二司從長計議先將東西二道

合委能幹文武重職帶同屬官多給官銀督同本處土
官土舍俱優其廩給帶領木竹石鉄等匠厚其口粮衣
鞋沿途用銀催倩熟知地理鄉道人役隨帶小船及沿
河採買竹木剗為簿筏乘載通行逐處踏勘直至馬湖
大江而止中間要見舟楫無碍經行者幾處危石可鑿
者幾處幾丈幾尺如有絕險人力所能施者作兩截盤
運沿河陸路可通者幾處不通者幾處應令開闢者幾
處幾里幾十步及河沿有無人烟稀密堪立駟遞鋪分
哨堡等項各計合用功夫力匠若干錢粮若干悉心料
理勘估明白画圖帖說并将用過官銀具由造冊回報

然後擬議奏請行委三司堂土官親詣督理開通施行則不獨一時一方之利寔國家久安長治之計策也

仁甫氏舊志曰梁州黑水今瀾滄江是此江所經峽壑深塹兩山夾流原非禹鑿元張立道使交趾由黑水入三崇山瀾滄經其麓今其地蓋有黑水祠乃永昌諸生黃貞元又以黑水歸金沙江謂有兩金沙又非李氏以瀾滄為黑水以江內外分夷漢又非樊綽以麗水為黑水非程氏以西洱為黑水非地里志以南廣為黑水語詳騰越志中

卷終

